



文苑
蒲菴
叢
二

文苑
蒲菴
叢
二

~ 20
2457
3

文苑蒲菴叢二



2332-3

20
2457
3

文苑黼黻卷之三目錄

玉冊文三 謚號

穆祖大王孝恭王后追崇上謚號玉冊文

翼祖大王貞淑王后追崇上謚號玉冊文

度祖大王敬順王后追崇上謚號玉冊文

桓祖大王懿惠王后追崇上謚號玉冊文

太祖大王上謚號玉冊文

太祖大王追上謚號玉冊文

神懿王后追上謚號玉冊文二

神德王后追上謚號玉冊文



文苑黼黻卷之三目錄

定宗大王上謚踊玉冊文

定宗大王追上謚踊玉冊文

定安王后追上徽踊玉冊文

太宗大王上謚踊玉冊文

太宗大王追上謚踊玉冊文

元敬王后上謚踊玉冊文

又

世宗大王上謚踊玉冊文

昭憲王后謚踊玉冊文

文宗大王上謚踊玉冊文

顯德王后謚踊玉冊文

端宗大王追上謚踊玉冊文

定順王后追上謚踊玉冊文

世祖大王上謚踊玉冊文

貞嘉王后上謚踊玉冊文

德宗大王謚踊玉冊文

德宗大王上謚踊玉冊文

睿宗大王上謚踊玉冊文

又

章順王后謚踊玉冊文

成宗大王上謚踊玉冊文

恭惠王后謚踊玉冊文

貞顯王后上謚踊玉冊文

中宗大王上謚踊玉冊文

端敬王后追上謚踊玉冊文

端敬王后追上徽踊玉冊文

章敬王后謚踊玉冊文

仁宗大王上謚踊玉冊文

仁順王后上謚踊玉冊文

宣祖大王上謚踊玉冊文

懿仁王后謚踊玉冊文

仁穆王后上謚踊玉冊文

元宗大王追崇上廟踊玉冊文

仁獻王后追崇上謚踊玉冊文

仁祖大王上謚踊玉冊文

仁烈王后謚踊玉冊文

仁烈王后追上徽踊玉冊文

又

莊烈王后上謚踊玉冊文

孝宗大王上謚踊玉冊文

仁宣王后上謚誦玉冊文

顯宗大王上謚誦玉冊文

明聖王后上謚誦玉冊文

肅宗大王上謚誦玉冊文

仁敬王后謚誦玉冊文

仁敬王后追上徽誦玉冊文

仁顯王后謚誦玉冊文

仁顯王后追上徽誦玉冊文

仁元王后上謚誦玉冊文

景宗大王上謚誦玉冊文

端懿王后謚誦玉冊文

端懿王后追上徽誦玉冊文

宣懿王后上謚誦玉冊文

英宗大王上謚誦玉冊文

貞聖王后謚誦玉冊文

貞聖王后追上徽誦玉冊文

真宗大王謚誦玉冊文

真宗大王追上謚誦玉冊文

孝純王后謚誦玉冊文

孝純王后追上謚誦玉冊文

Blank writing area with vertical lines.

文苑叢書卷之三

玉冊文三 謚號

穆祖大王孝恭王后追崇上謚踊玉冊文 太祖壬申

化家為國實由積累之功用謚易名爰舉尊崇之典
恭惟性專仁孝德備溫文懷永圖啓後人肇基王跡
所無逸欽厥止克享天心顯功烈於三韓茂本支於
百世恭惟慈和淵懿柔順靜專載膺遺卯之祥同商
簡狄終衍有身之慶配周太任既延祚於無疆乃造
端之伊始伏念猥承陰隲誕受洪圖肆罄卑忱庸加
徽號謹奉冊寶上皇高祖謚曰穆王皇高祖妣謚曰

孝妃冀紆明顧優錫繁禧

翼祖大王貞淑王后追崇上謚踊玉冊文 太祖壬申

化家為國寔由積善之功尊祖敬宗庸謹易名之禮
恭惟惟忠惟孝克儉克勤志在生民實有無疆之惠
德垂後裔永貽丕顯之謨恭惟性稟靜專躬行貞淑
必敬必戒惟君子之好逖無非無儀是閨門之懿範
伏念幸賴陰相肇造丕基欲報洪恩固難測度敢獻
微踊倍切顯揚謹奉冊寶上皇曾祖謚曰翼王皇曾
祖妣謚曰貞妃歆我精誠介以繁祉

度祖大王敬順王后追崇上謚號玉冊文 太祖壬申

祖功宗德孝莫大於尊親節惠易名禮宜先於追王
爰稽舊典敢獻殊稱恭惟徽柔懿恭發強剛毅肇基
王迹式至今日之休貽厥孫謀光啓千齡之業恭惟
行善勤儉德備爾雍夙符文定之祥聿嚴內治克著
思齊之道垂裕後昆伏念猥以庸姿丕承景命雖是
輿情之推戴實惟陰騭之造加謹奉冊寶上皇祖謚
曰度王皇祖妣謚曰敬妃伏冀英明膺茲冊踊高高
在上 缺 扶佑於子孫濯濯厥靈永底綏於邦國
桓祖大王懿惠王后追崇上謚踊玉冊文 太祖壬申
開國承家孝莫先於追王觀謚知行禮庸謹於尊崇

恭惟性稟淵冲姿凝英茂布或功於遐邇克勤於邦
基景命於後昆即篤其慶恭惟宅心貞靜秉德柔嘉
位正居中端叶家人之道德敦逮下允符樛木之風
伏念幸承積累之休克創維新之業宜舉易名之典
以昭報本之誠爰卜剏辰載揚景鑠謹奉冊寶上皇
考謚曰桓王皇妣謚曰懿妃降監有赫錫羨無疆

太祖大王上謚踊五冊文

太宗戊子

創業貽謀實由大德易名定謚惟以至公祇率舊章
式薦徽踊恭惟稟姿神聖秉心寬仁值前朝衰叔之
時克平多難膺上天眷佑之篤肇造丕基奮武威於

風霆昭文治於日月欽受帝命更國踊以維新達觀
神都奠民居於有永以啓我無疆之運實原於好生
之心政先困窮恩多動植念叨承於艱大謂榮養於
期頓何從駕於賓天忽貽哀於梓地宜舉追崇之禮
用伸歸羨之誠是撰休稱垂示來裔謹遣臣某官某
奉冊寶上尊謚曰至仁啓運聖文神武大王廟踊曰
太祖仰惟冲鑑俯諒精衷申錫繁禧保子孫於千億
幽贊洪祚與乾坤而久長

修文殿直提
學卞季良製

太祖大王追上謚踊五冊文

肅宗癸亥

肇造丕基式享配天之嚴祀加隆顯踊庸薦盡日之

寶章祗伸忱悃曷既論讚恭惟姿挺上聖運撫千齡
掃麗季之荒屯無競維烈膺皇天之眷顧遙觀厥成
既樹立之甚宏而啓佑之罔缺肆當時節惠之典極
後人歸美之誠第念鳴江之義旗允符麟經之聖筆
拯東土之民物免為彼髮之戎拱北極之朝廷永作
執玉之國風聲著聞於天下禮教興行於域中然大
業未揭於尊名故群情咸願其追謚居貞而當位惇
叙彝倫制事而合宜戡之禍難照臨八表真同日月
之華涵育群生實並天地之大惟此四字之崇奉庶
合百世之闡揚在後有增近稽皇明之盛事以多為

貴上慰列聖之孝思爰卜良辰載陳禋禮謹遣臣某
官某奉冊寶加上尊謚曰正義光德仰冀冲鑑俯賜
明歆誕受徽稱重復重而何數默贊洪祚新又新而

無疆

大提學南
九萬製

神懿王后追上謚踊玉冊文

太祖成寅

禮莫大於正名誠莫重於報本率遵撰辭之典敢修
定謚之儀恭惟氣鍾天和道符坤順表正人倫之本
永孚于休弼成王化之基克昌厥後但以繼嗣之未
定而致名位之有差伏念猥以庸材茲承景命克平
奪嫡之亂豈有他哉實賴在天之靈以至此耳爰曆

日辰之吉特陳遵豆之蠲宜薦玉稱答揚休烈是用
遣臣某官某謹奉冊寶上謚曰神懿洪惟冲鑑俯諒

李唐製

精衷啓我後人以祚永世
神懿王后追上謚誦玉冊文 太宗戊子

永念至恩不勝感愴追贈徽誦惟極尊崇祇率舊章
用申孝懇恭惟稟姿神懿秉心順承德協乾元若塗
山之配禹道全恒吉齊太妣之母周嚴教子之義方
篤逮下之仁惠伏念猥承厚澤嗣襲丕基爰卜良辰
式陳緝禮伏惟 伏惟二謹遣臣某官某奉冊寶上尊
謚曰神懿 據實錄前記當日承仁順仰惟昭鑑俯諒
聖神懿王太后此恐缺脫

精衷衍萬世之本支綿億年之歷服 修文殿直提

神德王后追上徽誦玉冊文 顯宗己酉

藝章久闕茲修登配之緝儀顯冊追隆聿舉揚烈之
曠典先王之志是繼我家之禮亦宜恭惟毓祉華宗
婉體聖祖密贊龍飛之業有婦人於亂臣早正翟綸
之尊受誥命於天子咸仰塗山之化奄結昭陵之悲
式彰德而易名萬事已訖宜躋廟而同凡百世不祧
迨及舜狩之陟方終久周室之合饗蓋議臣謬誤未
體永元之深惟而累朝因循不遑孝章之并紉肆致
神理之陞鬱實均庶品之咨嗟惟簡策之可徵尚徽

音之不昧安侑無所念本始而靡安經常有虧在後
嗣而敢忽爰稽故實用恭情文象設重新於寢園載
耀韜景仙遊斯集於宗祏庶慰明靈民心可觀允符
億兆人之攸望天道必復粵至三百年而逆行陳盛
儀而如初進懿誦而增感謹遣臣某官某奉冊寶上
徽誦曰順元顯敬王后冀回昭鑑俯諒微忱寶牒垂
芳與天壤而齊久瑤圖衍慶俾雲仍而彌昌
大提學趙復陽

定宗大王上謚誦玉冊文 世宗己亥

繼志述事克遵創業之謀節惠易名祇率追崇之禮

不勝至願式薦徽稱恭惟溫順謙恭寬仁濟哲奮武
威而制敵敷文德以安人光紹丕基誕膺休命愉愉
下氣恒存孝敬之誠翼翼小心益勤盈成之戒致九
族之敦睦躋一世於豐平惠及困窮恩加降附乃倦
勤勞於聽政思欲怡養以安神與天稽謀推位讓德
方期天錫之難老永享邦家乃患日臻而彌留忽遺
弓劍願惟小子叨襲洪圖未勘痛悼之情庸舉顯揚
之典謹奉冊寶上尊謚曰溫仁恭勇順孝大王
按皇朝賜
謹恭靖後禮曹以不宜并
用恭字啓請除恭勇二字
冀紆冲鑑俯允精衷日月
齊明垂鴻誦於不朽乾坤並久錫景福於無疆

定宗大王追上謚誦五冊文

肅宗辛酉

錫羨垂休遺澤尚存於未斬節惠獻誦闕典追舉於既祧冊寶斯陳神人胥悅恭惟業隆草昧道協重華贊化家之洪圖備嘗艱險懷安民之大勇退守柔恭威名著於征討之時令聞彰於遵養之際當王室之多故幸神器之有歸獄訟謳歌元良是賴玄默休息順信自孚丕顯丕承知孝子之繼志或潛或躍見聖人之達權釋位就閒至德無稱於泰伯投艱遺大太平已屬於晉王垂拱而定萬世之安脫屣而享二紀之樂顧神功實罕於前後而謙光罔改於始終廟制

仍虧徽稱具缺王章莫備雖緣累朝之未遑宗事至嚴詎容常度之或替遺民之想望自昔綈儀之興行在今無於禮而動也中百世以俟而不惑有其實者名必得群情久鬱而方伸武烈文謨豈能形容於四字深仁大慮惟願表揭於諸宗考舊文而薦誠修秘牒而歸美謹遣臣某官某奉冊寶加上尊謚曰懿文莊武廟誦曰定宗冀垂明鑑庶諒微忱以保我子孫施靈貺而靡或如在其左右昭耿光於無窮

大提學李敏叙

定安王后追上徽號五冊文

肅宗辛酉

文苑叢書 卷三
修闕典於百年廟謠既正揭休稱於四字陰功益彰
顯冊追陳藝章式備恭惟稟姿婉嫵秉心塞淵逮下
之仁事光於彤管承天以順道協乎黃裳昔我厚陵
之受終維時王室之多故孝友之行媚于神人禪讓
之高軼于妣姒到今家國之永賴莫非內外之相成
雖宗祧之迭遷緬徽音之如在念茲節惠之禮尚歎
於揄揚無亦有司之臣未遑乎建請因循弗舉使後
世而何觀怵惕靡寧恐盛烈之莫闡爰採群議聿申
緝儀謹遣臣某官某奉冊寶加上徽謠曰溫明莊懿
庶鑑精衷俯賜明假秋嘗春祀流景福於無疆玉牒

金書垂令名於終古

藝文提學
金萬重製

太宗大王上謚謠五冊文

世宗壬寅

大德隆功夙超前古鴻名顯謠宜示後人祗率藝章
式薦徽謠恭惟聰明神聖勇智寬仁當麗運之既窮
識天人之攸屬扶翼太祖肇開萬世之基入覲高皇
特荷三接之寵炳幾徽於未著致宗社之永寧立愛
惟親克篤承顏之孝因心則友載錫讓德之光武威
灑於風霆文治昭於日月交隣有道事大以誠化洽
邇遐恩覃動植念叨承於景緒期榮養於遐齡何遽
上昇乃貽末命難堪號擗之痛庸舉顯揚之儀謹奉

冊寶上尊謚曰聖德神功文武光孝大王廟號曰太宗伏冀睿靈俯垂冲鑑永綏多福保子孫於無窮幽贊丕圖與天地而並久

太宗大王追上謚號玉冊文

肅宗癸亥

巍烈永垂於萬祀追慕彌新顯號加隆於百年闕典斯舉爰陳寶牒用昭藝章恭惟睿智有臨英武不世唐運始啓天意已眷於秦王漢道將興人心允屬於代邸決大策而禍亂克定恢神功而威德益彰開國承家二聖有付托之喜立經陳紀八方致寧謚之休臨御十九載猷為想慕三五上治理鴻厯之澤猶被

於遺氓燕翼之謨永裕我後嗣至今傳祚之綿遠式賴基命之闕深願念節壹之稱尚欠貴多之義情文恐歎於崇奉詎宜因循德美思盡於闡揚更加表揭尊名追上徵典禮於中朝緝儀並行齊盛休於皇祖豈但有光於宗祏抑亦無憾於臣民謹遣臣某官某奉冊寶加上尊謚曰睿哲成烈庶鑑精衷俯賜明格昭耿光於不朽日星增輝流景福於無窮雲仍衍慶

弘文提學
申辰製

元敬王后上謚號玉冊文

世宗庚子

正位居尊克成內治易名定謚當示後來祇率舊章

式薦徽跽恭惟稟性淵懿制行謙恭念在憂勤夙著
宜家之德心存恪慎密裨定社之功及膺大寶以纂
圖遂陟中宮而儼極厚體坤元之順式表母儀敬承
乾道之副贊敷王化陰教既隆於深壺仁恩旁洽於
四方念以眇躬叨承丕緒期奉歡於百歲何貽痛於
一朝既違榮養之至情盍舉追崇之盛典謹奉冊寶
上尊謚曰元敬王仁仰惟昭鑑俯諒情衷誕受休稱
垂月星之照耀永延洪祚等天地之久長

又

恐是撰出不用者而
既載舊本故附見之

毓德儷尊徽音夙著易名定謚哀懇實深祗率舊章

載揚顯冊恭惟齊莊貞靜淵懿溫恭儆戒無違克合
在中之吉柔嘉維則式推逮下之仁謂享遐齡益膺
純嘏何神機之殿世奄仙御之乘雲奉養未終慨音
容之永闕追攀莫及撫胸臆以增悲聿申歸美之情
敢舉彌文之典謹奉冊寶上尊謚曰云云仰惟冲鑑

庶允休稱

大提學
尹准製

世宗大王上謚跽玉冊文

文宗庚午

天地大德雖莫罄於形言臣子至情惟用切於顯美
祗率常憲式薦徽稱恭惟齊聖廣淵聰明睿智終始
典學克濟出治之源宵旰勵精恢張為政之目崇儒

興化勸農恤刑致尊祖敬宗之誠盡事大交隣之道
九族悉均於敦叙兆民咸囿於雍熙禮備樂和文治
先于日月邇安遠肅武威震乎風霆殊邦獻畏愛之
忱上國加褒眷之寵貞符屢應頌聲交騰繫三紀太
平之隆亮千載難遭之幸方仰父臨於萬歲豈意天
崩於一朝永懷付畀之艱不勝號擗之痛庸舉追崇
之典少伸哀慕之心謹奉冊寶上尊謚曰英文睿武
仁聖明孝大王廟號曰世宗仰惟懿靈俯垂冲鑑誕
膺顯冊世享不朽之鴻名申錫純禧默贊無窮之寶
祚

昭憲王后謚號玉冊文

世宗丙寅

體順嗣音助已多於內治節惠定謚禮宜於後昆
肆稽藝章用加徽號大行王妃沈氏稟柔神之質凝
偃月之姿實應立配之期夙成懿德來嬪在潛之日
允為好逑洎紹瑤圖遂陞椒掖克修陰教益勤毋儀
心無險陂私謁之非道有警戒相成之美閔雖正始
式廣二南之風燕禘鍾祥永篤三韓之慶謂共享於
五福何查訣於中年乘彼白雲顧真御之已遠覩茲
彤管懷良佐而長歎載揚丕顯之稱聿嚴追崇之典
是用遣臣某官某奉冊寶贈謚曰昭憲想明靈之不

昧庶寶命之是膺赫兮咍分耀貞輝於罔極悠也久也延洪祚於無疆

文宗大王上謚踊玉冊文

端宗壬申

有其德而得其名誕登大寶觀其謚而知其行宜著丕稱斯乃古今彝章而豈臣子私議恭惟聖本天縱學惟日新好問用中精一傳帝王之道直內方外諛淫辨釋老之辭其持已也寅畏而嚴恭其待人也寬簡而仁厚晬然固已見盜嫂乎斯有文章自居元良寔屬輿望當世宗倦勤之日摠軍國監撫之權非惟盡三善之能亦以叅萬機之決及承大統乃宣重光

孝無間於始終業愈光於繼述於是開言路以顯俊闡賢關而崇儒友愛敦棣萼之情禮貌重槐棘之任勵兵訓率務農欽刑凡所猷為一出誠實宵衣旰食方恢經世之規棄屣遺弓遠貽終天之痛眇予冲人其何恃徒自泣血以長踊茲惟哀慕而強名庸詎形容之可擬謹奉冊寶上尊謚曰欽明仁肅光文聖孝大王廟號曰文宗伏惟昭鑑俯垂睿靈茂膺洪休永錫繁祉

顯德王后謚踊玉冊文

世宗辛酉

選德配賢既多內助易名定謚庸示後昆茲乃舊章

實非私惠咨爾世子嬪權氏生從名闕早入宮闈性
稟謙恭蹈桀儀之有度心專儆戒謹夙夜以無違每
承顏以怡愉常率下而雍睦眷言澍媛允矣好逮肆
儼位於元良而有補於風教燕禱席慶熊夢鍾祥聖
緒甫衍於宮庭頌聲交騰於臣庶昊天不愍賦命靡
融愴懿質之遽亡念徽音之未泯據茲緝禮揚爾遺
芳是用遣臣某官某奉冊寶贈謚曰顯德於戲不亡
者存如在其左祇受嘉冊益敷焯管之輝申錫繁禧
永流璿源之慶

端宗大王追上謚踊玉冊文

肅宗 戊寅

推位讓國至德無稱獻謚尊名闕典乃舉茲將顯冊
敢薦微忱恭惟仁聲令姿世孫元嗣自在弱歲荷英
陵負背之慈連遭大喪承文廟類而之訓無奈國步
之多難以致曆數之有歸移居上宮禮愈極於尊養
固辭微跡意彌存於撝謙且慕周泰伯之荆仍作帝
重華巡野着花天遠嗟景命之不延奠衣山深慨綵
儀之未備今殆過二百年所尚有感千萬人心肆庸
集議於群工遂定并紉於列祖虎賁嚴衛如迎翼室
之宅宗龍旂戒行若奉冕服之歸毫雖傳序已及於
祧位然節惠可闕於彝章精而粹慈而仁靡有爭競

履乎正由乎義罔不服從至若名廟而贊揚尤見守
 禮而恭遜心輕萬乘誠難擬議其高風德重千秋允
 合表揭其盛美爰卜吉日式陳明禋謹遣臣某官某
 奉冊寶上尊謚曰純定安莊景順敦孝大王廟誦曰
 端宗仰冀睿靈俯垂冲鑑肇稱殷禮庶是饗而是宜
 申錫洪休期俾昌而俾熾

領府事南
九萬製

定順王后追上謚誦玉冊文

肅宗戊寅

外之雖穆逮至達權而禪讓蓋亦裨猷而資成受太
 妃之崇名且膺徽美享一國之隆養共怡優閒不幸
 時變屢興遂致廷議多謬日淪月晦失黃道並明之
 暉浦思山哀結蒼梧未從之痛處約而玉度無玷委
 順而寶筮猶遐神理久鬱於在天芳塵寢翳廟享尚
 闕於累世庶品同嗟念丕稱豈間於顯幽而缺禮或
 待於久遠參諸古制斷自微衷揆彼天道之必伸敢
 緩表揭冀我宗事之無歉宜備情文爰復玉章并祧
 室而序代並隆壹位薦寶冊而易名恍若翬翟之重
 輝宛然乾坤之齊體想聖祖崇奉之雅意豈不為光

抑列朝陟降之明靈默有所啓真游斯集漢陵之簾
帷始新取光復昭周廟之琬琰載煇緬故實而增感
陳物采而致虔謹遣臣某官某奉冊寶追上謚曰定
順王后徽號曰端良齊敬冀諒深誠俯賜昭鑑垂微
彤史雖歷二百年而可徵衍慶瑤圖庶訖千萬禩而

靡替 大提學徐宗泰製

世祖大王上謚踊玉冊文 睿宗戊子

有德得其位誕膺丕基節惠易其名祗薦徽踊聊申
哀慕敢擬形容恭惟睿斷雷馳神謀天授炳幾仗義
式遏群凶順天應人奄臨一國方值亨屯之始克恢

為政之規勸農明刑礪兵訓率吐哺納群策運制權
綱前席引諸儒色笑教誨交隣有道事大以誠叙九
族以仁恩賓四門以禮讓天地經緯大造同闔闢之
機日月光華美化煇文明之盛惟一紀太平之治諒
千載難遭之休倦茲勤勞授以艱大愛日之誠何及
終天之痛遽深茲竭純誠載揭景鑠謹奉冊寶上尊
謚曰承天體道烈文英武至德隆功聖神明睿欽爾
仁孝大王廟號曰世祖仰惟冲鑑俯垂明歆月恒日
升膺鴻名於不朽天長地久錫景福於無窮
貞熹王后上謚踊玉冊文 成宗癸卯

文苑叢書 卷三
追遠慎終不勝感愴易名定謚宜極尊崇祇率舊章
用伸孝懇恭惟道齊任姒德侔塗莘樛木葛覃化已
形於宮壺螽斯麟趾慶益篤於子孫三紀毋臨萬姓
孺慕顧予冲藐仰荷睿慈獲嗣無疆之休思效罔極
之報何聖善之殿世奄仙馭之乘雲嗟永闕於音容
盍追增於位踰茲揭盛烈庸展哀思謹奉冊寶上尊
謚曰貞嘉仰冀明靈俯受寶冊申錫繁祉祈本支瓜
迭之繇幽贊鴻圖繫宗社苞桑之固

德宗大王謚踰玉冊文

世祖丁丑

天性所鍾恩情無間於存沒國典斯舉終始有備於

哀榮惟爾鞫岐嶷英姿溫文德器問安侍膳孝盡怡
愉之懽重傅尊師學有緝熙之益監撫之重允屬謳
歌之望攸歸謂爾有宜君之資謂爾為善繼之嗣庶
衍龜筮丕承燕謀何我家不吊於靈旻而乃身遽危
於殤天流光徂而勞心益怛佳城卜而哀涕無窮載
惟父子之間曷任幽明之恨誕敷異數少慰英魂乃
遣臣某官某奉冊贈謚曰懿敬於戲弱冠捐膝下之
恩少陽鎖宮中之閨得其名不得其壽痛精靈之安
歸傳諸子而傳諸孫昭顯踰於可久爾惟不昧尚克
欽承

德宗大王上謚誦玉冊文 成宗丙申

有大德而得位存沒無殊在後侗而尊親顯揚惟切
茲奉升祔之禮用伸終始之情恭惟孝敬生知慈仁
夙稟儲宮毓慶基景命以維新帝庭疏封享大名於
彌久茲追叙於昭穆冀永觀乎宗祊臣讞不勝大願
謹奉冊寶上尊謚曰懷簡宣肅恭顯溫文懿敬大王
廟誦曰德宗仰惟英明俯垂歆允日月同照昭徽誦
於無窮乾坤並長綿洪祚於不墜

睿宗大王上謚誦玉冊文 成宗庚寅

世德作求誕膺景緒節惠為謚祇率舊章茲極追崇

式據誠孝恭惟聰明冠古睿智自天丕顯丕承命益
隆於宥密允文允武運方撫於盈成宅諒陰而榮榮
恢遠猷而業業歲僅踰於一稔天奈畜其萬年憑几
之音遽揚誦弓之痛何極顧將冲昧叨襲丕圖遺大
投艱靡堪負荷之重茹哀啣恤莫罄追慕之懷飭終
有期因山既設載稽薦名之禮聊伸讚德之忱謹奉
冊寶上尊謚曰欽文聖武懿仁昭孝大王廟誦曰睿
宗仰惟英靈俯垂昭格天長地久庶媿徽顯之稱松
茂竹苞負佑鴻厯之祚

又 上文出實錄而此文句語頗相同
恐是章本然既載舊本故姑存之

應千齡而作之君丕釐景命節一惠而為之謚率由
舊章茲極追崇式據誠孝恭惟英明超古濬哲自天
監國撫軍基肇承於宥密諏經閣史學已就於緝熙
哀榮以宅諒陰孝蒸蒸以奉父母深惟付托之重
勉恢聽斷之規申儆百司肅清群慝雖一暮權綱獨
運稍煩淵衷而萬世法程大明適昭燕翼豈圖民靡
洽於蒙澤天不永於降年憑几之命遽揚棄弓之慟
奚極顧惟冲昧叨纂基圖遺大投艱荷重任而誰托
茹哀銜恤仰昊穹而難陳今則飭終有期因山既設
謹稽薦名之禮庸伸讚德之誠謹奉冊寶上尊謚云

云仰惟聖靈俯賜昭格天長地久永膺徽顯之稱松

茂竹苞幽贊麗鴻之祚

金宗直製

章順王后謚踊玉冊文

世祖壬午

表行定謚君父之至情節惠易名古今之常典爰舉
顯冊用賁幽高惟爾韓氏生從令門早入儲邸每承
顏以怡悅常率下而肅雍德配高明望享少陽之儼
祥凝震索夢協大人之占慶宗社之攸歸喜蘋藻之
有托庶延龜筮益贊鴻圖何不吊於靈旻而遽危於
殤天蟾宮墜魄鶴闈纏悲痛瑤華之云亡念徽音之
如在情豈間於存歿禮宜備於哀榮茲遣臣某官某

贈爾謚曰章順嗚呼生也有涯雖未窮百年之樂死
而不朽庶幾經萬歲之祺哀爾英靈體我寵命

成宗大王上謚誦玉冊文

燕山乙卯

德必得位誕受丕基謚以尊名宜崇徽誦斯乃古今
之公議實非臣子之私言恭惟濬哲溫恭劉健中正
惟精惟一學有緝熙光明克寬克仁澤及鰥寡孤獨
奉先思孝事大以誠恤刑著好生之心躬耕為勸農
之本藹然文教之勃達赫矣武功之遠揚明良勅天
之誥方臻舜治壽富多男之祝擬享堯年何植璧之
無徵遽憑几而不悟奈抱終天之慟靡堪擗地之哀

祇奉節惠之儀庶伸歸美之懇謹奉冊寶上尊謚曰

仁文憲

舊本書以獻字而按譜略從位坂稟旨釐改書以從譜略

武欽聖恭孝大

王廟誦曰成宗仰惟冲鑑俯諒微悃永孚于休膺顯
冊於不朽克昌厥後衍寶曆於無疆

恭惠王后謚誦玉冊文

成宗甲午

履中體順既隆贊內之功定謚易名宜崇顯後之禮
粵稽古典用加徽稱咨爾大行王妃韓氏端一誠莊
幽閒貞靜名門毓秀早凝偃月之姿潛邸來嬪夙著
覲天之德洎紹大統遂陟中闈基王化於二南正母
儀於一國憂勤在念警戒相成庶協燕禎之祥式衍

文苑補遺 卷三
螽斯之慶昊天不吊大運難逃永失好逑進鷄鳴
之戒每懷良佐曷勝鑑亡之悲載舉綵儀誕揚懿範
是用遣臣某官某奉冊寶贈謚曰恭惠英靈不昧寶
命是承思媚思齊揚洪誦之煇赫俾昌俾熾扶景祚
於久長

貞顯王后上謚誦玉冊文 中宗庚寅

喪止於哀慎終固所自盡禮重乎謚易名惟以至公
爰舉徽稱式遵彝憲恭惟澍慎明惠柔懿靜專肇神
女之啓祥果沙麓之協吉性承天而乃順德合地而
無疆窈窕思媚乎周姜孝格兩殿徽戒相成乎宣考

治臻二南中圯頃遭於崇極間孽或萌於近昵願能
定興復之大計豈難割慈愛於一時社稷再安寔坤
道之鴻造元良有賴亦孫謀之燕貽絕恩私於外家
抑謙冲於內壺子庶支視猶已出母一國化自躬行
眇予愚侗祗承鞠育庶望康寧於百歲永奉怡愉於
長春簪花忽傳災已播於素柰媧石莫補痛罔極於
昊天茲用歸美之誠以講追崇之典吉日斯卜寶冊
寔陳謹上尊謚曰貞顯加上徽誦曰昭懿欽澍伏冀
明靈俯膺顯誦申錫景命以延瓜瓞之綿默佑洪圖
俾繫苞桑之固

左承旨黃
士祐製

文苑補遺 卷三
中宗大王上謚誦玉冊文

仁宗乙巳

應千齡而作君丕闡景運節一惠而為謚率由舊章
茲憑顯揚庸摠哀慕恭惟聖本天縱德惟日新曆數
有歸濟白日於黃道塗炭斯濟慰賴尾於蒼生政以
孝悌為先學以誠敬為本兢小心而事上敦洪化而
輯隣堯敬授乎人時萬民斯穀舜勅承乎天命庶事
惟康文教敷而蔚興武威振而遠暨真群生而永泰
囿一邦於至仁謂萬世永享嘉胡四紀遽遺艱大
痛歸俟之莫效憫勅終之有期式舉薦名之儀庶申
讚德之懇謹奉冊寶上尊謚曰徽文昭武欽仁誠孝

大王廟誦曰中宗仰惟冲鑑俯察微踪日照月臨垂

懿美於不朽天長地久錫鴻厓於無疆

舍人林亨秀製

端敬王后追上謚誦玉冊文

英宗己未

彛章載舉肇新復誦之儀盛烈彌彰敢緩易名之典
情文無憾神人胥欣恭惟睿姿日昭德性天啓勤紘
誕之事不替令猷毓鐘鼎之門愈執謙軌逮群情咸
戴乎聖德而大慮寔裨於倉皇黃裳儼臨方見民庶
之顛仰玉度靡玷寧容家族之連延乃因謬議之橫
生終致陰化之遽歛瑤華負隔悽愴金枝之詞桂魄
長淪掩抑黃道之彩有二賢封奏無奈齊起之臺言

然先正駁爭允為後來之公案差幽寃其莫淺歷久
載而猶隱念眇躬續承無疆惟先志繼述為美誦聖
祖懇惻之教思揚至懷推寧考慨惜之心仰體遺旨
宜亟表揭準事理而何疑於昭降監信天道之必復
爰修緝禮敢竭微衷斯可為畢闡夫前光亦似乎有
待於今日奏倣清廟式序倫於元妃肅歲精裡庸薦
誠於冊寶端為檢身之本禮義罔愆敬是立德之基
警戒弗懈極崇貴於上謚增激感乎中情謹遣臣某
官某奉冊寶上尊謚曰端敬尚冀英靈俯諒忱悃光
膺顯誦流芳徽於千齡幽贊洪圖申景鑠於百代

領府

事李宜

顯製

端敬王后追上徽號玉冊文

英宗己未

撫瑤華之跡遙幽寃久鬱稽彤史而儀備闕典載修
在禮即宜揆情亦得恭惟毓德名族作嬪懿藩承大
寶以纂圖刑家贊治陟中壺而儼極居正體坤不幸
異論之闖生以致離宮之遜處猜芟蘭之當路既見
國舅之芟夷感糟糠之下堂無賴聖教之悽惋除一
二臣外公議之泯默至今閱數百年餘國人之憐悲
未已肆予哀天誘而神啓矧物理否久則泰甲蕭瑟
荒郊幾傷舊壠之物色爾穆清廟載煨新紉之儀文

想先后陟降之靈是豫是悅惟寧考繼述之志乃今
乃成悅暈翟之重輝叶神人之交慶謹遣臣某官某
奉冊寶上徽誦曰恭昭順烈仰冀昭鑑俯賜垂歆藹
膺靈之如臨幽贊洪祚揭徽烈之未沫申錫繁禧

贊李德
壽製

章敬王后謚誦玉冊文

明宗乙亥

禮重乎送終蓋厚倫之要道謚所以旌德乃芻名之
通規茲率彝章式闡茂實大行王妃尹氏徽音載穆
泐行無瑕雅有窈窕之儀夙著柔嘉之則屬中闈之
闕位協元吉之定祥

自屬至祥十二字初作屬代耶
龍興之會協懿氏鳳鳴之占大

提學申用濬及泐生以代耶
龍興不合於殺下自稱稟改

爰作好述允為良佐一

國蒙治內之化六宮荷逮下之恩眷之覃兮勤儉法
乎周妣鷄既鳴矣儆戒同於齊妃方毓慶於猗蘭忽
生妖於素奈無母何恃哀弄璋之疇依棄予如遺慟
亡鑑之已極寧知夢日之未幾遽爾乘雲而不回唯
追崇於陰功可顯揚於後葉是用遣臣某官某奉冊
寶贈謚曰章敬想英靈之不昧庶寶命之是膺於萬
斯年揭洪誦於不朽克昌厥後延景祚於無疆

泐生
製

仁宗大王上謚誦玉冊文

明宗乙巳

孝莫大於繼序方切永慕之懷禮尤重於易名爰舉
追崇之典斯乃古今之彝法固非臣子之私情恭惟
堯欽舜文禹勤湯敬久正儲貳之位德允協於元良
恒加精一之功聖亦造於天縱肆克紹夫前烈乃丕
承乎洪圖惟知儉以慎厥身寔能孝以仁若考先收
謹獨於屋漏效既著乎修齊未有命戒於亮陰道固
具乎恭默試以存神過化之妙敷此博施濟衆之仁
五百年興王之符將復見乎昭代三十二喪予之慟
奈又減乎夢齡何天意之難諶閱蒼生之無祿豈料
榮疚之漸進而致几席之重仍審訓纒及於元臣末

命俄遺於眇躬恩無所怙義無所從義無所從四字舊本在飭終下

徒銜恤於飭終願揚休於節惠摹天地畫日月雖盛
德難於形容垂竹帛勒瑤珉庶微稱傳諸悠久詠吉
辰以獻誦陳寶冊而備儀謹上謚曰獻文懿武章肅
欽孝大王廟號曰仁宗伏冀明靈俯鑑殷禮不顯亦
世默贊燕翼於苞桑無疆惟休益鞏鴻基於磐石都承

旨崔演製

仁順王后上謚誦玉冊文宣祖乙亥

飭六禮而正隆儀立德不朽節一惠以增顯誦垂耀
無疆祗循舊章聿稱彝典恭惟聰明冠古聖慈出天

文苑叢書卷三
二十五
誕膺冰麓之徵式符河洲之詠陞代邸而儷體媚周
姜而嗣音承乾化凡二十年小大成仰懿範權國政
僅七八月終始罔間純心誠敬夙孚於上宮和愛素
洽於中掖殫內朝之規警絕外家之私恩蕩雪幽冤
深功允邁於明德獎用賢澍美烈可配於宣仁顧惟
眇躬叨續洪業賴睿筮之默運載柔教之光臨祖宗
之基圖得完臣民之委寄未墜願效神嵩之祝永奉
長樂之歡豈圖福善之道難謀竟致必壽之理亦謬
慘神祇之震夜忽陰魄之淪輝仙馭陟層霄痛已極
於何恃鏡奩餘舊澤哀莫勝於靡瞻今乃制成因山

事迫遠日籲天無路擗地奚窮庶伸尊名之忱獲盡
慎終之孝良辰既卜寶冊遂陳謹上尊謚曰仁順王
后加上徽誦曰宣烈懿聖仰冀聖靈俯賜昭鑑有秩
斯祐祈本支千百世之休長發其祥贊彷彿萬億載
之祚史曹祭議具鳳齡製

宣祖大王上謚誦玉冊文 光海戊申

等百世之王德莫盛於我后節一惠為謚禮宜舉乎

舊章自等至章二十二字舊本作大德得其名無競維烈節惠以為謚率由舊章痛日月

之不居贊天地其無路恭惟聰明濬哲剛健粹精用
其中於民遵蕩平正直之義獲乎上有道篤君臣父

子之倫肆終始焉念茲雖造次而必是自肆至是十道學必先於檢身惟宗系惡名之誣枉即累朝聖情所痛傷屢申瀝血而顛呼果蒙宣勅而昭雪叙藝倫於十三代之後膺寶典於二百年之餘于先祖而有光孰至誠而不動矧自古誓死之節蓋未聞於列國之君在厥初拒賊之時豈不知夫壬辰之禍由大義暴白於天下致皇恩優渥於海東功既建於無前運實啓於垂後卓先立其大者藹萬善之足焉孝者所以為仁睿則實由於智察通言以明物施有政而及人自孝至入二十四字初作孝實根於性中敬常存乎心上友愛隆於手三禮猶優於胷肱改謚聖睿後改

拱重道崇儒益敦教育之化鍊兵設險式顯懲惡之

謨自重至謨二十一字舊本作崇儒鍊兵字謨矜細行而

罔愆曆四紀而無怠方期父臨於億載遽罹天崩於

一朝不勝歸美之情敢伸追崇之典謹遣臣某官某

奉冊寶上尊謚曰顯文毅武聖睿達孝大王按始上

毅武聖睿達孝皇朝賜謚昭發後廟號曰宣宗仰惟

冲鑑俯諒徽哀保我子孫庶望不顯亦世在帝左右

益贊申命用休大提學

懿仁王后謚號玉冊文宜祖庚子

義重齊體方軫悼往之懷行貴易名爰舉崇終之典

王冊文

文苑補遺 卷三
茲乃百世之公議固非一時之私情大行王妃朴氏
稟性柔嘉秉心淵靜自出勲賢之裔世德有傳夙聞
教導之方家法可尚神降沙麓之瑞位膺綸翟之尊
奉兩殿盡孝盡誠徽音嗣於莘摯事一人克敬克順
美化協於乾坤齊明不懈於間鷄儆戒何勞於脫珥
仁恩逮下感深膠木之詩陰隲乖常恨畜蠶斯之慶
所以保全終始中罹屯厄之會越在草莽之間求賢
審官倍贊十亂之益薄衣菲食申訓九嬪之儀惟恐
毫髮之病民未嘗頃刻而弛念慈祥信於父老咸願

魚軒之久留儉約服於市廛爭喜鑿輅之造返親蠶
不暇於春館主饋纒安於秋宮方舍飴弄孫之年奄
乘雲上僊之日漢明德早世猶幸付托之得人唐文
后先亡無賴規諫之良佐精誠未就於鍊石殿衛已
迫於因山彤管流聲固無待於節惠貞珉紀跡所不
廢於揚休載卜良辰式陳緝禮謹遣臣某官某奉冊
寶贈謚曰懿仁尚冀澍靈之不昧庶綏繁祉於無疆
俾熾而昌綿本支於瓜瓞由否而泰繫國步於苞桑

大提學沈
喜壽製

仁穆王后上謚踊玉冊文

仁祖壬申

文苑叢書 卷三
失我慈覆已迫即遠之期稽諸藝章敢舉崇終之典
名因行美情與禮隆恭惟質稟柔聞儀全澍善祥呈
沙麓早占聖女之興詠播河洲密贊皇祖之治不謂
戎恩之變遽生積猜之餘社鑰西宮驚歲月之屢換
旃棘孤島慘稚兒之無辜賴天道之好還致坤位之
復正扶危撥難豈小子之敢當履險居貞寔神明之
所佑彈一國以為養未足稱於誠心祝萬壽之無疆
期永承於懿訓云胡昊天而降割奄見仙馭之上昇
闕音容於玄堂永懷靡及罔平素於彤管內則在茲
四字為稱曷能形容於盛德壹惠是節蓋遵祖宗之

恒規綉儀將陳哀情自信謹遣臣某官某奉冊寶上
尊跽曰光澍莊定尊謚曰仁穆尚垂靈鑑俯諒微忱
玉檢金繩昭休光於泉壤竹苞松茂畀景福於雲仍

藝文提學
崔鳴吉製

元宗大王追崇上廟跽玉冊文

仁祖甲戌

修曠世之盛典既薦殊稱襲列聖之舊章申揭顯跽
情文乃備名器允符恭惟質稟謙冲道存恭默效忠
勤於陽九勲在盟書保艱貞於明夷德潛藩邸言念
眇末之忝位益驗善慶之有徵體天生物之仁雖未
及於黎庶貽謨垂裕之烈實有光於祖宗故大德之

得名刻後王之尊稱十年講禮終折衷於聖經八字
加隆遂光膺於寶冊然未稱於廟樂詎無歎於祝辭
皇誥未頒恩封已完於上國綏儀有待吉日適丁於
閏秋猗歟資始之元古者節惠為謚謹遣臣某官某
上廟誦曰元宗冀垂昭格俯鑑至情玉檢金泥流芳
徽於百代和貞玄瓊享明經於千齡大提學崔
鳴吉製
仁獻王后追崇上謚誦玉冊文仁祖壬申
光昭令德式殫歸美之誠肅薦徽稱誕舉易名之典
情文兩盡悲喜俱深恭惟稟性柔嘉凝姿貞澍儲祥
累葉運方啓於名家荷眷先朝譽實隆於佳婦惟茲

舊邦之新命亦賴內教之陰功恩未報於昊天何安
一日愴深切於霜露奄踰六年寧祖攸行豈舊章之
敢缺顯親為大庶至情之獲伸采歷代之綏儀奉兩
言之殊誦謹遣臣某官某奉冊寶上尊謚曰仁獻王
后尚冀靈鑑俯允微忱玉牒金泥垂懿則於不朽天
長地久錫繁祉於無疆前承旨李
明漢製
仁祖大王上謚誦玉冊文孝宗己丑
皇天降剖方深銜恤之情大行受名誕舉彰德之禮
一惠以節七廟可觀恭惟德實天生仁為己任膺宣
祖嘉錫之命可見托付之深哀屬太母幽厚之辰遂

文苑補後
卷三 玉冊文

仁祖

奮匡復之大志糾率忠義之士掃清凶穢之氛宗社
將危而獲安先啓再造之業綱常既敷而復正昭揭
萬世之經苛政盡除黎元有更生之樂群賢競進朝
野仰太平之期不幸亂賊之累崩又值疆場之多聳
當極蕩顛沛之極咸服德義之無虧備險阻艱難之
嘗益盡儆戒之不怠憂勤一世兢業萬機以聰明睿
知之資躬仁厚恭儉之化學懋精一深得聖王之傳
行質神明寔為人倫之至慈聖克享隆養人不間於
宋皇昌邑得盡天年事有難於漢帝正身而飭宮禁
永絕戚畹之私推誠而待臣隣寧容讒慝之間制治

率由於成憲好生尤洽於祥刑每遇水旱備無之灾
憂民必殫於子惠其在疾病沉痾之日聽政恒至於
夜分雖運否時屯金甌罔缺於終始而仁深道積鴻
烈實冠於古今胡不百齡奄棄萬姓仙馭殿世鼎湖
之升莫攀聖澤入人窮谷之彌不止之幽即遠已有
日月之時易名揚休難摸天地之大綈儀載薦哀慕
何窮謹遣臣某官某奉冊寶上尊謚曰憲文烈武明
肅純孝大王廟號曰仁祖按廟號始用烈字以南唐
主徐知誥有此廟稟改
尚鑑微忱俯膺徽典祖功宗德配前聖而不祧武烈
文謨啓後人而靡極大司憲
趙翼製

仁烈王后謚號玉冊文

仁祖丙子

夫一良佐方切悼亡之情稽諸舊章式舉彰德之典
實循輿論豈是私言大行王妃韓氏資本仁明性惟
淵靜沙麓應運誕降積善之門渭水定祥載詠續女
之命夙資塗山之助久同商野之勞逮昏暴之數倫
為宗社而起義化家為國勲用集於一或從中贊猷
才實難於十亂正位號於坤極風化攸基奉色養於
東朝誠禮無間凡厥內治之道一惟古訓是師節儉
躬行如在潛邸之日謙冲自牧寧有戚畹之私遭時
多艱益存履水之懼輔予不逮恒切覆舟之規既見

壺政之穆宣允為國人之觀感天保單厚多男可此
於螽斯仁化純深公姓宜謁於麟趾謂享無疆之壽
何圖不測之悲柩違災奄驚六衣之卷椒塗弛衛
遂從諸后之遊悼音容之長違懷德範而莫及丹霄
寤寔詎歲諫之復聞彤管輝煌將令譽之永久靈辰
不住已迫即遠之期庶民何依均深如喪之痛惟是
春秋窳窳之事宜有所以易名矧茲幽閒貞靜之儀
自允協於節惠綽禮將薦沉慟何窮今遣臣某官某
奉冊寶贈謚曰仁烈王后尚冀泐靈聿膺顯誦作配
神后流福澤於萬年垂裕後昆縣本支於百世

漢城判尹

趙翼製

仁烈王后追上徽誦玉冊文

孝宗辛卯

慈顏永隔靡堪追遠之懷懿範昭垂敢闕揚休之典
祇薦顯誦用伸微忱恭惟德侔虞嬪道協周妣當撥
亂而反正密贊神功逮配極而居尊丕闡陰教宜景
福之克享竟仁壽之無徵念惟眇躬之續承亶荷先
烈之啓佑孝莫逮於志養一國之富何安痛未愈於
鉅創三年之制已闕率屆紉纓之日合舉加隆之儀
無得而名詎能盡於摸畫欲報之德庶罔愆於情文
肆遵彝章式備物采謹遣臣某官某奉冊寶加上尊

誦曰明德貞順仁烈王后尚冀英鑑俯膺徽稱彤史

傳芳揭洪光於千億青社祈慶貽燕謀於雲仍大提學趙

錫胤製

又此蓋改撰不用者而今姑附見以備參考

誕膺徽稱既光易名之典重進寶冊庸伸顯親之情
彝章罔愆悲喜兼至恭惟柔嘉成性塞淵秉心啓周
鴻基寔賴太姜之輔佐興唐赫業實資文德之儉勤
承顏而誠孝克孚逮下而恩意允洽毋儀纔過於一
紀仙馭奄賓於九天遺化在人追慕舉切於臣庶節
惠詔發至德可贊於神明屬茲苦塊之餘彌增風樹

之痛慨至養之莫逮崇貴何安爾清廟之並躋音容
如在深仁懿烈雖永存於簡編玉牒琅函奈曾缺於
兵燹聿求從宜之禮宜新薦謚之儀揭二字而揄揚
先旨寔出於彰美俾百代而瞻仰小子敢忽於致隆
謹上徽誦曰云云冀垂昭格鑑此精衷不朽者名與
宇宙而齊久曰篤其慶庶子孫之絲休

大提學趙錫胤製

莊烈王后上謚誦玉冊文

肅宗戊辰

痛六引之有期采增攀慕節一惠以為謚粗效揄揚
聿循藝章祇薦寶冊恭惟道侔坤順德稟天和毓社
名門允協沙麓之慶媿體聖祖早膺渭涘之迎逮下

推樛木之恩居尊得黃裳之吉陰教既宣於中壺慈
化益彰於東朝惟寧廟之篤孝思揭春暉而建殿若
顯考之繼先志奉暮景之含飴嬪御絕浸潤之言宮
闈洽融洩之樂顧眇末之忝位粵在冲齡荷提撕之
多方式至今日旻天降割自傷孤露之無依晨夕承
歡尚幸瞻仰之有所當疾憂而保護是賴遇灾咎則
警誨惟勤不煩宣仁之垂簾擁佑之功茂著同符明
德之服練節儉之風五行戒外親而杜蹊逕之私發
內藏以濟溝壑之急漢家盛典莫尚長樂之隆周室
徽音咸頌太任之聖享一國之尊養母儀踰五十年

歷四朝而康寧臣庶祝千萬歲花甲載回於遐筮五
危纔稱於壽筵豈意美疾之彌留奄見仙馭之上陟
微誠徒切媿嘗禱之無徵至恩未酬懷願復而奚及
惟茲易名而紀行所以展哀而崇終固知塞淵之芳
猷難容擬議苟非表揭於顯誦曷備情文履正志和
著齊莊之遺範秉德尊業闡功烈之休光謹遣臣某
官某奉冊寶上尊誦曰貞肅溫惠尊謚曰莊烈仰冀
明靈俯諒恫悃託諸琬琰並滄莘而昭垂佑我子孫

俾本支而昌熾

領敦寧金
壽恒製

孝宗大王上謚誦五冊文

顯宗已亥

治方中既完復土之期在即節一惠為謚尊名之冊
肆陳難摸日月之暉祇申崇奉之悃恭惟殷憂啓聖
佳氣發祥五世當興季歷受太王之命至性無間東
海闡重輪之明謳歌曆數之歸社稷人民之主齊齊
勿勿克敬宗廟之蒸嘗怡怡愉愉單誠長秋之溫清
服膺精一之訓見堯羹牆時辰伯叔之親分周寶玉
長枕大被交暎花萼之中盛色姦聲遠屏凝旒之下
修齋之道已洽治理之具畢張不昉求衣撫單赤於
衽席思賢如渴馳束帛於丘園游心三代之前講學
五經之奧正己而率物務實而惡華嬰節責躬時雨

洗頓騰之害菲食忘口海邑絕蛤蜊之供置鼓設旌
嘉言罔伏則壤成賦仁政是先四野息鴻鴈之歌三
面解蛛蝥之網藹然好生之德庶幾比屋之封覲文
耿光猶不自足揚武大烈妙而無方羽林字孤修羽
建元之制神策儲將出入山西之良衆心成城奚假
猛士之守太平有象可見諸福之來何意光武之勤
勞終致烈考之厲虐行百里而半九十遠圖焉憑以
大德不得中身天道難問冬冰夏火干隧之勩宅心
早舟水車計然之策示掌成筮孔躡殿世何忙空留
鼎湖之弓虛設華玉之几深山窮谷若喪考而哀踰

禁旅儒冠日環闕而攀哭顧惟小子敢承丕基自眇
眇而其凝望如不及哀榮榮而在疚朞切無形令則
祖載有消滄宮方撤式遵古典爰薦大名合一國之
公非子議父原百行之孝念始靡他謹遣臣某官某
奉冊寶上尊謚曰宣文章武按始議謚烈文毅武以
列聖謚號有連二字相
同稟神聖顯仁大王廟號曰孝宗仰惟聖靈俯賜昭
格茂膺顯徽之禮揚光帝庭陰隲下土之民流祉后
裔行副護軍
趙綱製

仁宣王后上謚踰五冊文顯宗甲寅

昊天罔極慎率事於鉅創日月有時循故實於節惠

馬能擬議祇切攀踊恭惟禮法景宗貞莊懿範受儒
相之箴誠夙著徽音膺聖祖之鑑掄采度婦職當淹
恤克佐乎寧考而默祐寔賴於神明九載殊方歷屯
艱而回泰十年中壺履坤位而承乾徽戒常存於始
終陰化遍覃於外內躬節儉而垂則後嗣體孝思而
盡誠東朝仁洽睦姻杜私蹊之猶截恩隆鞠育教義
方則必嚴顧眄末叨守丕基遵訓誨庶冀寡過愴懷
霜露縱靡逮於喬山祝壽岡陵期永侍於長樂云胡
積殃於不肖奄遭啣痛之亡涯隔慈顏於平生更何
所恃想劬勞於疇昔無以為酬身抱沉痾幾貽憂疾

之念喪連同氣未遑止哀之觴已矣真遊之莫追藐
爾孺慕而奚及纔移舊寢心至今而皇皇繼營新封
儀不暇於縱縱將修合廟之休享載舉易名之藝章
輿衛既廢典冊斯備謹遣臣某官某奉冊寶上尊號
曰敬烈明獻尊謚曰仁宣仰祈昭假俯諒精衷稱齊
女堯揭二字於不朽慶絲京室降百福於無疆

姜栢
年製

顯宗大王上謚號玉冊文

肅宗甲寅

少遭閔凶孺慕迭切丕揭徽號緝儀斯陳祇欲伸乎
忱悰匪敢誣於論撰恭惟孝友天得精一心傳以岐

二 文苑補後 卷三
三十一
歲之姿受眷愛於聖祖以睿知之性資輔導於賢師
自儲位至于御邦立大本措諸絜矩所以日用間施
設皆從天理中出來一念存誠神化馳於八域三朝
畫禮和氣藹於兩宮虔禱祠蒸嘗而宗裡克精重學
校庠序而儒教大闡招延良弼虛己乎郝俞討論聖
經用功於存省親親乃修身之效老老惟錫類之推
表率群工先尚儉約杜絕私運最戒拔後對越神明
處幽獨而益惕憂虞夙夜在靜攝而猶勤折獄哀榮
所急者王政勞農勸稼不違乎民時恤費則減常賦
以至於御供賑饑則傾內倉并及於外廩謀訓摠宜

於貽後繼述深謹於奉先行太廟追紉之儀聿修闕
典有寧陵改堦之舉式為永圖疑於禮制則叅究尤
詳斷自宸衷而情文無缺不料憑几之命遽揚感奮
之辰玉候纔瘳固已憂其過毀天心難度胡不獲乎
少延中制未終忍說無涯之痛冲年失怙實由不肖
之辜續丕緒於攀擗之中只有泣血瞻虛殿於定省
之所永隔承顏唯幸宅兆之新營適近祖宗之舊寢
求諸神道豈遠於常情省得民功亦體乎素志霜露
既降悲隙駟之如流弓劍空留望仙馭而靡及茲將
歸羨之悃幅庸循易名之彝章百辟其刑行已著於

中外一惠為謚休有光於古今於戲之德之純其永
以享以祀謹遣臣某官某奉冊寶上尊謚曰純文肅
武敬仁彰孝大王廟誦曰顯宗仰冀冲鑑俯垂明歆
申景鑠於無疆雲仍衍慶揭洪誦於不朽日星並輝

藝文提學
姜相年製

明聖王后上謚誦玉冊文

肅宗甲子

積戾在躬奄罹酷於失恃節惠為謚宜備禮於崇終
爰率彝章式表至行恭惟貞莊成性孝順因心誕降
相門王父占異祥之兆選入儲梱皇祖有佳婦之稱
逮正位號於長秋采勤歲戒於永巷宮闈靖謚但見

和氣之融治化熏蒸允資陰功之贊念小子之當冲
歲忝承艱大之基奉太母而御東朝咸仰擁佑之慶
常蒙教誨之諄切幸保宗社於傾危致元祐之清明
不煩垂簾之聽俾成誦而感悟何待啓滕而知識達
古今屏左道符章之屬心存公正絕外家蹊運之私
發內帑於黔首之饑示貴主以銅裝之儉眇躬頃患
厲瘡積幾日之焦憂今春將設豐呈祈兩殿之福履
何知旬月之違豫遽捐臣庶而陟遐慈念軫少愈之
加靡違冠帶而養神理舛大德之壽無非眾禍之延
治命丁寧自制附身附棺之具仁言惻怛悉出憂民

憂國之衷仍舊件於殿儀減常食於祭奠恩至深而
澤至厚感泣群黎后無繼而前無間卓絕千祀明燭
四遠庶物莫適情形聖通萬微一善奚容擬議茲循
舊典祗薦尊名謹遣臣某官某奉冊寶上尊誦曰貞
獻文德尊謚曰明聖竊冀英靈昭格忱悃音容香隔
縱莫追於玄扃芳烈長存尚有徵於彤管

禮曹判書
李端夏製

肅宗大王上謚誦玉冊文

景宗庚子

榮榮在疚致哀之誠方深蕩蕩難名節惠之章斯舉
曷能盡日祗自踴天恭惟德冠百王道傳千聖光被
四表如日月之照臨澤洽群生若天地之覆燾蓋此

功烈之巍煊罔非存養之做成惟燕閒蠖濩之中神
明對越故事為施措之際江河沛然盡禮盡誠千乘
躬曾閔之行宜家宜室二南正風化之原虔禴祠蒸
嘗奉先思孝恤鰥寡孤獨發政施仁束帛起丘園之
賢開筵講性理之學揭舟水之善喻王言炳若丹青
念稼穡之惟艱古訓列諸屏障輕徭薄賦而所重者
民食減膳撤樂而克謹乎天灾儉已著於卑宮禹無
間矣德莫盛於與善舜有大馬奚但治成於一時抑
可道此於三代願我東六七聖作尚多制度之未遑
臨寶位五十年間聿觀儀文之大備太祖之徽稱加

上尊周義明祧主之廟踰肇成追遠德厚廓乾斷而
 復莊陵之位集衆議而立慎妃之祠至若翟禕之重
 光實是簡策之罕觀藝倫再正聖人作為之出常景
 命維新社稷靈長之有賴崇賢衛道是非定於斯文
 表節旌忠風教聳於末俗盛範既卓於今古大義更
 闡於春秋一立皇壇圭璧躬薦萬世東國綱常獨扶
 不息之健體乾幾宵旰之勤苦无妄之疾為崇經歲
 月之沉綿逮末年之調將猶大務之管攝北辰居所
 覃至化於提封南極呈祥繼先美於耆社山摧斗換
 睿筮方祝於萬年地拆天崩巨創遽罹於今日胡皇

穹降割之斯酷痛大德必壽之莫徵虛右之治命丁
 寧遵周公紉奠之制受衰之臣服斷之斥漢文短喪
 之非斯乃禮之至而情之宜猗前無偶而後無繼
 念予眇末遭茲閔凶永隔天顏抱弓劍而踊擗奉揚
 鴻烈豈文字之形容敢將歸美之忱式薦尊名之典
 謹遣臣某官某奉冊寶上尊謚曰章文憲武敬明元
 孝大王廟號曰肅宗仰冀冲鑑俯垂明歆宗德祖功
 配取先於前聖文昭武穆申景鑠於後昆
 仁敬王后謚號玉冊文
肅宗辛酉
大提學李
觀命製

茲循公議式闡幽光大行王妃金氏稟性齊莊秉心
淵靜以大賢之後而誕毓於名卿之門以卓異之姿
而服習於義方之訓夙膺親揀於寧考俾成好逑於
儲宮事匪懈於一人甚稱先旨誠無間於兩殿祇承
慈顏履翟禴之尊常存謙挹之志聞鷄鳴而警實多
輔助之功濯龍屏外家之私闈雖啓南國之化惟服
食器用務祛奢華而變異灾凶倍軫戒懼螽斯畜慶
每惜燕謀之愆期慧孳妖忽驚軒曜之晦彩嬰疾
未浹於旬日陟遐奈促於中宵當惟幾之辰尚嚴家
人之禮出若夢之語猶切寡躬之憂蒼黃迸避之餘

幽明奄隔死生契濶之際悲悼曷勝有此德而無嗣
無年仰彼天兮難誌難問入宮規絕千姝同失佐之
歎率土哀纏百姓均喪妣之慕爰思紀實而垂永要
在揭踰而崇終體坤元之含章仁為善長正內位而
贊治敬是身基謹遣臣某官某奉冊寶贈謚曰仁敬
典策無忤於溢辭休稱允協於懿範尚冀靈爽昭格
精忱雲輯莫留縱音容之已闕彤管有記庶行蹟之

可徵

禮曹判書
李端夏製

仁敬王后追上徽誦玉冊文

景宗壬寅

禮躋宗經纒畢亮闇之制光闡慈範載修顯冊之儀

文苑叢書

卷三

玉冊文

日

悲喜交臻情文兩備恭惟毓祥名闕正位元妃齊京
 室之媚姜夙虔婦道若滄山之翊禹采著陰功治內
 播彤管之譽居尊協黃裳之吉嗟真遊之已遠痛微
 教之莫承想寧考之思良幾愴周珥緣眇躬之獲戾
 遽泣軒弓駟隙易流中月之禪奄過翟奕如在配乾
 之德宜揚茲當并紉之辰追舉晉誦之典雖天高地
 厚擬議難容而玉檢金泥鋪張曷已舊章重煥遺烈
 益昭謹遣臣某官某奉冊寶加上徽誦曰孝莊明顯
 仰冀睿靈俯垂冲鑑瑤圖衍慶申景鑠於無疆寶牒
 增輝揭洪休於不朽

左恭贊
姜觀製

仁顯王后謚誦玉冊文

肅宗辛巳

陰儀遽缺思盡情於崇終顯誦載揚要備禮於節惠
 式循彝典庸闡令猷大行王妃閔氏稟資溫柔秉心
 淵靜義方素飭訓習於內外法家德性渾全行成於
 齒龀幼歲早膺親揀於聖母遂成好逌於寡躬奉至
 歡於晨昏甚稱慈旨存深戒於夙夜不替箴言間遇
 明夷之艱貞終獲黃裳之元吉久屏私第顧吾過而
 多慚重莅坤闈信天道之必復履尊而心常謙挹歷
 險而志益安和值灾咎頻仍則同予微惕念民庶困
 瘁則助予勞勤親黨絕蹊逕之私服御昭締綌之儉

膠木逮下咸仰聖妣之覃恩燕謀愆期尚喜明德之
有子謂神祇默佑以永福履之綏謂憂戚玉成以究
壺政之贊邦知美疾之為崇竟致仙馭之陟遐彌歲
沈淹恨廬扁之無術率土踴墮怨窮昊之難謀入宮
而不聞忠規奄失良佐治事而悉省煩費寔遵遺音
茹痛在中觸境何忍卜兆虛右同穴是圖苟非勗名
而揚徽曷以表德而垂後體坤元之育物至哉其仁
修內則而化邦於乎不顯迺稽詰範允協休稱謹遣
臣某官某奉冊寶贈謚曰仁顯尚冀英靈昭格忱悃
貞珉紀實辭豈溢於誌幽彤管流聲行之徵於傳永

大提學
李奮製

仁顯王后追上徽號玉冊文

景宗壬寅

仙遊邈遠邈徽音而靡追盛烈昭垂標鴻誦於不朽
恭陳物采悅陪聲容恭惟純誠感孚至仁薰徹瑤華
光復曠前蹤而垂徽明德勛勞存至計於貽燕慈恩
如天而無極陰化匝域而旁流冀承歡於萬年遽啣
恤於升載諒陰之期又畢琴絃猶切於餘哀甘露之
感方新草心彌愴於難報綈儀曾舉雖享媿美之休
稱紉禮將行敢闕加隆之常典盛德寧容於摹畫徽
誠祗表於揄揚謹遣臣某官某奉冊寶加上徽號曰

文苑補遺

卷三

玉冊文

四十一

懿烈貞穆冀賜明歆誕垂陰騰金泥玉檢耀徽躅以

長新景福純禧絲後嗣以彌遠

李先佐
官領議政

仁元王后上謚踊玉冊文

英宗丁丑

追遠慎終痛深於攀慕節惠薦謚誠敢效於揄揚
曷稱令猷祇循曩典恭惟貞莊稟質沉默凝姿定祥
大邦侔周任周妣之懿則作配寧考繼仁敬仁顯之
徽規猗歟柔化之協宣允矣慈覆之普暨三宗續丕
子之緒策決薦帷五紀尊文母之儀基鞏磐泰眷愛
罔間豈徒眇躬之庇依保佑斯均益彰皇兄之孝友
昭儉則邁漢明德杜私則若宋宣仁惟風雨調愆之

時靡懈恤民之念伊邇豆靜嘉之節克虔蠲祀之誠
敷第禴之陰功謨垂貽燕嘒朝紳之黨議戒存濯龍
顧緣謙挹之難回每歎情禮之未備瑤冊十上詎至
德之能摹寶筮七踰尚大袞之是祝中壺之憾致損
憂切添痾列聖之眷有臨喜佇勿藥纒奏翼瘳之慶
遽驚月馭之賓皇皇如求聆璫瑪而永閔榮榮在疚
誦象莪而莫追玄隧聯罔遵穆廟同陵之舊制彤管
勒琰襲明聖範相之芳譽帑銀既捐於度支箱綺更
頒於敦匠蠲役助貢治命諄勤省用儲財遺旨惻怛
仁覃惠洽永懷資物而體元德昭光流要在揚美而

詔後爰舉崇終之盛禮肆陳易名之顯稱謹遣臣某
官某奉冊寶上尊踊曰定懿章穆尊謚曰仁元仰冀
澍靈俯格菲悃有秩斯祐秬旨玄瓊之享裡長發其
祥玉檢金泥之揭烈

奉朝賀元
景夏製

景宗大王上謚踊玉冊文

英宗甲辰

攀弓劍而叫哀遠期斯迫勒瑤珉而薦謚彝典載揚
曷敢形容第增摧咽恭惟天姿濬哲日表光明主鬯
銅闈十歲服聖考之訓橫經壁水三善聳群儒之觀
在冲幼而德器已成歷險難而令名益播平居志願
恒以舜何人自期舉國謳歌咸稱禹之子能繼當傳

禪有命終獲請於懇辭逮代治多年罔敢專於裁決
日殫誠於三朝之禮常致力於百行之源法殿開筵
捧玉學而愉色溫泉送駕望羽旄而焦心追先后之
至慈終身愴慕極東朝之隆養一意奉承瞻言同氣
之親藹有因心之友天倫樂事豈惟長枕大衾之情
宗社深謨允托撫軍監國之重惟其盡孝悌之道是
以成治平之基大化無為斡四時而成序玄功不宰
圃萬品而底寧此河海之淵深包涵廣矣如雷霆之
奮發威斷赫然勘禍亂而朝著廓清嚴隄防而禁闈
整肅掃治陰翳覺兩曜之光華欽却神機等太空之

寂默以至敬天勤民之政無非繼志述事之誠遇旱
祈霖秉璧輒舍輿而出方春勸稼宣綸舉扶杖而聽
凡饑蝗水火之災必思其推惠而貨色遊畋之事一
無所經心尤恢弘於聽納之間亦審慎於從違之際
苟其言之合理夫賜開俞倘或事有難平務為靜鎮
至若私親之追報實循公議之酌量斥近諛之覺言
佞人斯遠存越分之深戒前史所希崇羅朝之廟飭
麗王之陵式修廢墜祭夢周之祠錄宗瑞之裔用勸
忠良方洪恩覃被於八埏庶至治可期於三代嗟仁
天之不祐奈德壽之無徵微病乍纏胡遽揚乎末命

巨割荐降忍復見乎大喪加三塗於顯宗日淺享國
減一齡於成廟慶愆多男斯深山窮谷之所共哀諒
盛德至仁之不能忘閔予小子叨此丕基迫臣民敦
勸之情勉受祖宗之依托有父子繼承之義不徒况
弟之孔懷昔出入之必隨未嘗或後今幽明之奄隔
將欲何依瞻丹宸之永虛音容莫逮悲素廡之將發
踴慕益深肆畫禮於飭終冀揚休於節惠慕天繪日
雖莫效於發揮紀烈銘功匪敢誣於論撰爰加大誦
詒舉緜儀謹遣臣某官某奉冊寶上尊謚曰德文翼
武純仁宣孝大王廟誦曰景宗仰冀聖靈俯紓冲鑑

垂鴻名於百代簡策增光申景鑠於千秋家邦衍慶

趙泰億製
官左議政

端懿王后謚號玉冊文 肅宗 戊戌

承華新喪內助悼念方深節惠古有彝章表揚宜亟
爰舉顯冊庸錫休稱惟爾嬪生稟令姿早嬪儲邸一
門襲兩后之盛克嗣徽音大婚為百福之源允稱佳
婦蓋自入宮以後益見率禮無違推家庭事親之誠
祇奉兩殿體君子造端之道謹飭一身潛德不形於
外人懿行自著於平日贊慈化而致爾雍之美佐陰
教而昭節儉之風孝篤承顏愛可見於容色憂深嘗

藥誠亦孚於宮庭沉痾已歷於歲年小心匪懈於夙
夜恩雖逮下未聞私謁之行美既在中何難內治之
正庶宗事之克相期福履之終綏何意上天之難諶
遽見湫質之云逝蒼黃一夕忍隔幽明臯復三呼恍
若夢寐脩短有數豈緣醫技之無良殞殮莫親益覺
病燥之難抑矧惟螽斯之畜慶曷堪鶴禁之纏悲司
命之權孰尸福善之理靡測晨昏問寢無復肇裘之
儀日月有時奄及窀穸之事苟非易名而紀實則何
貴幽而傳芳言其行則以禮義自持語其德則以溫
柔為本茲遣臣某官某賜爾 賜冊一本謚曰端懿於

戲雖儀形之已闕莫追泉扃尚行迹之可徵永垂簡

策精爽未昧寵命宜欽

大提學宋相琦製

端懿王后追上徽誦玉冊文

英宗丙午

攀慈範而永慕奄及九年揭懿德而昭垂追薦四字
恭修顯冊敢伸微忱恭惟性賦柔嘉姿凝貞靜嬪于
京室同摯任莘妣之嗣徽系自名門踵昭憲仁順之
膺慶荷聖考佳婦之譽為先王良媿之尊何寶釜之
弗綿竟陰化之未究璐寢藏珥挹芳塵而莫追鼎湖
遺弓痛大喪之斯存閔予小子殷及之序敢安他彼
闕宮周紉之期遽迫雖綉儀之曾舉合崇誦之加隆

列聖攸行詎彞章之或缺盛烈彌著庶情文之無愆

祇效揄揚曷容摹畫謹追上徽誦曰恭孝定穆仰冀

靈鑑俯應徽稱秋嘗冬蒸享精禋於百代金泥玉檢

耀鴻光於千齡

領中樞閣鎮遠製

宣懿王后上謚誦玉冊文

英宗庚戌

荐違喪威榮一身之在疚祇揚聖懿煨二字之易名

既盡情文且切悲慕恭惟溫柔稟性淵靜凝姿叶夢

月之祥睿質自異占覩天之吉澍譽采彰夙膺選於

寧王遂配尊於景廟婉順含中之德允合婦儀密勿

治內之猷式遵壺範必儆必戒一心仁顯后遺模是

法是師常目考禮經諸訓率九御而均覃惠澤敦六
親而務絕私恩逮丁第及之辰爰臨母事之位昇付
宗祏重漢文繼體之倫穆離宮闈彰姬季因心之友
痛凶言之蠱聖憤輒形辭悶邦運之罹難語或泣涕
暨太母盡保佑之道既闡陰功顧小子奉晨昏之懼
唯祝聖壽第經中年之大憾仍纏累歲之沉痾苦塊
久處於冰霜積哀成崇刀圭實賙於火濕諸技告窮
未獲翼日之乃瘳奄驚半夜之遐陟惟幾之際眷眷
憂在眇躬若夢之中諄諄語及民力追思剪桐之舊
戲恍如昨晨豈意簪栝之新哀又見今日丹闈疇寔

已無所於瞻依彤管煒煌奈未能於摹畫苟欲揭美
而垂永莫若節惠而崇終茲消吉朝載舉絳典謹遣
臣某官某奉冊寶上尊誦曰孝仁惠穆尊謚曰宣懿
仰冀昭假俯膺尊稱卜幽宮於同岡既遺旨之是奉
徵顯冊於異禋詎微烈之或溼史曹判書
趙文命製
英宗大王上謚誦玉冊文當守丙申
今天降割抱弓劍而銜哀大德得名勒琬琰而薦謚
祗自摧咽曷敢形容恭惟德冠百王道接千聖以千
乘而躬曾閔之行孝悌通于神明軼三古而志堯舜
之治精一傳其心法歷艱險而天縱之睿智增益膺

文苑叢書 卷三
四十九
謳歌而日新之令聞著彰本之學問講廟一以聖言
而踐履發諸事為措施無非天理之流行儉于家則
無間夏禹之惡衣勤于政則不違周文之暇食東朝
盡愉色之養定省溫清之必誠清廟篤愀見之思綸
祀烝嘗之匪懈克謹天戒念在兩暘燠寒先恤民窮
澤及鰥寡孤獨秉修籍之耒耨重本之儀降除刑
之綸藹然好生之德蓋此繼天立極之道皆從臨淵
履冰之心驗治已治人之規實資小學一部遵無偏
無黨之路專用洪範九疇天戈廓氛克定戡亂之烈
神鼎燭物昭揭闡義之編至若庸布均減之恩乃是

景籙迓續之會上損下益漁鹽並蠲女悅男欣蠶耕
各得凡諸儀文之大備亶出繼述之弘謨復溫陵而
伸久鬱之論建肇廟而舉隆報之禮家法嚴春秋之
義宸感切風泉之思並設享於三皇壇墀增築永有
辭於萬世圭璧親將憲章惟勤於纂修禮樂兵刑之
制經緯織密雲漢寔富於著述天人性命之理包羅
宏深肆逮寶齡之彌隆益仰天心之克亨逾宣尼後
欲之歲不弛戒懼之工躋睿聖誦抑之年猶典切磋
之學九五福保極壽域春臺億萬年鞏基泰山磐石
斯皆為法於百代矣但制治於一時方祈海屋之添

文苑補遺卷三
籌遠承玉几之揚命瞻虛殿於問寢之所永隔承顏
續丕基於設康之餘只增泣血至善厚澤普泆髓肌
窮谷深山如喪考妣誣吉即遠嗟日月之莫留節惠
颺徽奈天地之難繪仁心仁聞之已洽煇乎道德之
文天命天討之各當大哉保定之武敬是萬善之本
緝熙始終孝乃百行之源著顯中外若稽五十年功
化詎云一二分揄揚祗欲盡其忱悃非敢溢於論撰
爰奉顯冊誕舉彝章謹遣臣某官某奉冊寶上尊謚
曰翼文宣武熙敬顯孝大王廟誦曰英宗仰冀聖靈
俯紆冲鑑配取先於前聖玉檢金繩衍景福於後昆

竹苞松茂

右議政鄭存謙製

貞聖王后謚誦玉冊文

英宗丁丑

念齋體之重而備文於崇終稽易名之常而揚徽於
詔後實循僉議庸舉顯稱大行王妃徐氏天賦柔嘉
坤則淵靜蟬聯華胄莘摯積慶之門澍慎芳猷帝乙
受祉之象聿膺皇考之簡德乃相寡躬之承祧履順
而莊令聞夙暢居尊而懼素志架冲移昔年侍湯之
誠致婉孌於慈極推真殿展慕之孝盡禮敬於寧園
宮闈頌樛木之仁親黨服濯龍之戒列朝相治之正
克紹徽規三紀乾道之亨式資陰助爰及晚暮共享

文苑補遺

卷三 王冊文

五十一

昇平玉牒加名美星軒之增飭鳩杖在御喜壽曜之
齊輝若太姒嗣音詎謂麟趾之形化伊明德有子所
幸螽斯之衍祥方期景福之永綏豈意長筮之遽促
刀圭力短奈美疾之日臻翟第哀纏奄仙遊之雲邈
顧委順之理達寧戚此心曠造端之義深有懷令德
費省復土體平日之撝謙卜邇先陵叶萬年之安兆
爰思紀實而詒永亶在節惠而致隆德符黃裳寔含
章而正固美揭彤管允集善而通明率藝章而賁休
稽懿行而靡忤謹遣臣某官某奉冊寶贈尊謚曰貞
聖尚冀靈鑑昭格菲哀芳塵莫追空想珎珎之響詰

範難泯庶微琬琰之文

史曹判書
鄭暉良製

貞聖王后追上徽號玉冊文

當宁茂茂

遵殷紂而弁侑圭璋薦誠稽周謚而賁揚琬琰昭度
情文兩盡悲喜交深恭惟皇祖妣惠敬莊慎康宣恭
翼仁徽貞聖王后吉叶黃裳頌騰玄統涵育柔化至
哉三十年母儀協贊陰功允矣億兆民于惠方彤管
之闡美脩金匱之歛暉漢殿瞻月出之遊幾聲容之
髣髴齊寢留曉箴之語尚嬪御之誦傳嗟乎泣弓之
淚未乾居然縣樂之期已屆天地定位斯禮也序宗
廟而享宗裡日月有時其事則以大行而受大號肆

採公議庸宣幽光謹奉玉冊追上徽誦曰端穆章和
伏惟丕膺懿稱庶垂冲鑑瑤圖衍祉迓駿命於無疆

玉牒流輝表鴻烈於不朽

大提學徐命庸製

真宗大王謚誦玉冊文

英宗己酉

皇穹降割方遭繼體之喪寶冊揚徽爰遵易名之典
博詢公議少酬至情惟爾世子粵定誦於諸闈夙荷
愛於慈極寬仁孝友之性稟得彝天岐嶷英明之姿
昭如白日蓋自纒勝衣之歲已有儼成人之譽進退
之儀自然中矩合度學問之志亦知重道崇儒文義
默通得之口讀之外字畫甚正形諸心法之餘況深

則昵御莫窺嚴毅則老璫皆懼方春放鳥鵲有生物
之仁非節憂霖端出愛民之意經音朗亮曾聳園橋
之聽醮日清嘉蓋驗重輪之瑞三百年宗社有托億
萬姓民庶攸依而吾東庶卜興隆於予心愈增悅豫
雖當艱厄之會殆不樂乎每對溫文之資若無憂者
嗟涼德之獲戾遽儲嗣之罹灾理或達觀而陳腐是
却病已危革而精爽愈明蹶然歛容不廢尊師之禮
茲焉沾類彌篤戀親之誠天胡忍斯言之痛矣設虛
殞於講讀之所悅若聞聲狀遺蹟於哀苦之中咽不
成語惟茲節惠之舉庶為揭德之方茲遣臣某官某

奉冊贈謚曰孝章於戲性不喜夸寧容一字之溢意在撫實故取百行之源查閱冲齡縱莫施於邦國永詔遐禩或可徵於簡編爾惟不昧尚克欽茲

兵曹判書趙文

命製

真宗大王追崇上謚踊玉冊文

當寧丙申

昭穆丕承寔宗國垂統之懿範位踊崇報乃帝王顯親之彝章情文允諧神民胥悅恭惟洵泐岐嶷聰哲淵和甲觀膺休冢嗣尊繼體之位胄筵敬老令聞係延頤之心孝為百行之源恒勤視膳問寢之禮學遵三王之道益勉修身治國之工方蒼震永享於利貞

而黃離遽違於元吉仰先朝重宗統之念肇錫嘉名惟後日配彌位之儀昭垂遺訓屬寡躬丕陟元后在邦典宜進徽稱追躋千乘之尊禮則然矣並享七世之廟孝莫大焉率由祖宗之攸行於休元廟故事式序儀物之咸備敬奉慈殿徽音肆遵丕彝要闡盛美溫良為檢身之本知以誠思睿明是典學之功斐然昭度顧二字崇貴之踊實我寧王之垂褒嗟百世揄揚之休惟予小子之伸慕猗歟德既尊而位既正典章有稽斯乃禮之至而情之宜神理無憾式圖顯冊之昭揭益愴仙馭之遠遊謹奉冊寶上尊謚曰溫良

文苑補遺

卷三

王冊文

五十一

白

睿明哲文孝章大王廟號曰真宗伏惟仰冀明歆俯
垂冲鑑播芳玉檢配前聖之耿光毓慶瑤圖申後王
之景祿大提學李

孝純王后謚號五冊文英宗辛未

積哀成疾捐舊邸而告凶告凶廷中遺德易名揭新

冊而揚美揚美廷中式循彝典庸錫休稱庸錫廷中

惟爾賢嬪美稟端莊令儀淵靜秉德合閨閩之則在

厥幼齡揀賢配儲嗣之尊期以遐福慈撫罔間東朝

推舍飴之情孝養靡虧內殿資主饋之法那知不吊

之巨禍巨禍廷中遽罹未亡之至哀至字廷天桃有

華六宮之咏未久仙桂無實并載之慟彌深抑淚強

怡愉之容要慰予意淹疾諱剝剝之症恐傷此心因

教剝剝改以膏育如在昔年替問寢於晨夕式至今

症字改以證字日勤視膳於始終惟期晚景之長依遽哭早歲之條

逝始謂一時之遇疾藥院倉皇誰意半夜之復覩椒

掖驚隕潛鑠有崇豈緣醫技之失治厚報無徵益覺

神理之多爽三殿齋止慈之慟往事忍提一廷貢貽

減之憂衰境曷慰苟非節惠而紀實則何責幽而垂

休孝乃百行之源誠敬備至純是一德之粹和正兼

該爰撫遺徽仍採公議茲遣某官某奉冊贈謚曰孝

純儀形永闕撫玄木而增悲行誼彌彰播彤管而流

和中樞趙觀彬製

譽倘精靈之未昧庶寵命之是欽

當字丙申

孝純王后追崇上謚誦五冊文
闡承統之洪休誕奉顯冊追儷尊之懿範齊崇丕稱
我家之禮亦宜先王之志是繼恭惟凝姿淵靜飭躬
端莊五度含章德合貳極璜聲中矩譽洽六宮宸闈
篤順志之誠源百行於止孝私門申履滿之戒基萬
善於執謙令猷瓘著於嗣音景緒寔資於衍慶屬眇
躬遵繼序之禮伊隆號舉配極之儀昭穆式承嗟至
養之靡逮日月齊耀庶遺範之載揚徽是眾美之歸

貞乃四德之幹媿齊妃之儼畏前哲稱賢贊周妣之
幽閑詩人詠泐茲稽彝典庸昭嘉名謹奉冊寶上尊
謚曰徽貞賢淑孝純王后伏惟俯垂鑑臨誕膺隆賁
流耿光於天壤彤管傳芳介繁祉於雲仍青社絲籙

右議政鄭存謙製

仁宗大王登極頌教文
仁宗大王傳位頌教文
明宗大王登極頌教文
仁祖大王冊立頌教文
仁祖大王登極頌教文
顯宗大王登極頌教文
肅宗大王登極頌教文
景宗大王登極頌教文
英宗大王登極頌教文
當寧登極頌教文

頌教文二

王妃十封

貞熹王后冊封頌教文
貞顯王后冊封頌教文
廢妃尹氏冊封頌教文
光海妃冊封頌教文
仁烈王后冊封頌教文
莊烈王后冊封頌教文
仁宣王后冊封頌教文
明聖王后冊封頌教文
仁顯王后冊封頌教文

仁元王后冊封頒教文

貞聖王后冊封頒教文

王大妃殿冊封頒教文

中宮殿冊封頒教文

文苑黼黻卷之四

頒教文一 登極

太祖大王登極頒教文 太祖壬申

天生蒸民立之君長養之以相生治之以相安故君道有得失而人心有向背天命之去就係焉此理之常也洪武二十五年七月十六日乙未郝評議使司及大小臣僚合辭勸進曰王氏自恭愍王無嗣薨逝幸禍乘間竊位有罪辭退子昌襲位國祚再絕矣幸賴將帥之力以定昌府院君權署國事而乃昏迷不法衆叛親離不能保有宗社所謂天之所廢誰能興

之者也社稷必歸於有德大位不可以久虛以功以
德中外歸心宜正位踰以定民志予以涼德惟不克
負荷是懼讓至再三僉曰人心如此天意可知衆不
可拒天不可違執之踰固予俯循輿情勉即王位國
踰仍舊為高麗儀章法制一依前朝故事爰當更始
之初宣布寬大之恩凡便民事件條列于後於戲予
惟寡昧罔知時措之方尚賴贊襄以致惟新之治咨
爾有衆體予至懷

奉化君鄭道傳製

太宗大王登極頒教文

定宗庚辰

惟我啓運神武太上王承祖宗之積德得天人之協

贊膺受景命奄有東方盛德神功宏規遠畧以衍我
朝鮮億萬世無疆之祚而我上王以嫡以長祗承嚴
命傳即寶位勵精致治于茲三年頃者以無嫡嗣宜
預建儲乃謂小子母弟之親且於開國定社之際與
有微效冊為世子付以監撫之任尚懼不堪每懷兢
惕何圖今月十一日忽降教旨乃命以位讓至再三
成命莫回已於十三日癸酉即位於壽昌宮顧惟眇
末膺受大任慄慄危懼若涉淵冰尚賴宗親宰輔大
小臣僚各處爾心勉輔台德以匡不逮屬茲膺命之
初宣布寬恩之典可宥境內於戲天地之德莫大於

生物王者之德莫大於惠民位天人之兩間欲俯仰之無忤曰敬曰仁畏天勤民勉循茲道以克負荷惟爾臣民體予至懷

世祖大王登極頌教文

端宗乙亥

恭惟我太祖受天明命奄有大東列聖相承重熙累洽主上殿下嗣服以來不幸國家多難以寡人先王母弟又有微勞不有長君無以鎮定艱危遂付以大位予堅讓不獲且宗親大臣咸謂宗社大計義不可辭乃勉循輿情以景泰六年月日即位於勤政殿云云於戲屬茲臨御之初宣布寬大之澤

睿宗大王登極頌教文

世祖戊子

予以涼德夙忝儲位惟不克祇承是懼乃於本年某日父王殿下命云予罹疾疾久不視事載念萬機之重益疚于懷付汝重寄居閒養疾予固辭再三不獲俞允以是日勉登大位叨襲丕基怵惕惟勵尚賴群臣同心協輔無負艱大之命屬茲初服宣布寬仁於戲既嗣無疆之曆咸與有衆惟新

成宗大王冊立頌教文

睿宗己亥

慈聖王大妃若曰嗚呼皇天不吊降割我家世祖大王享壽不永嗣王哀毀成疾遽至不興禍患相仍痛

悼何言予念大位不可暫曠嗣王之子方在襁褓且素嬰疾世祖嫡孫只有懿敬世子之子二人月山君婷自幼多病其母弟者山君讞岐嶷夙成世祖每稱資質器度特異於常至此我太祖今年漸長成學問日就可付大事乃與大臣議之大臣同辭以為允符輿望爰命御嗣位感念存沒無以為懷惟爾大小臣僚悉體予意畢力來輔嗚呼痛哉弘文應教權柱製

成宗大王登極頌教文 睿宗己丑

惟我國家誕膺景命列聖相承不吊昊天世祖大王遽厭萬機大行大王哀毀成疾遂至賓天太妃慈聖欽仁景德宣烈明順元淵徽慎惠懿殿下命予續緒固辭不獲遂即大位尊慈聖王大妃為大王大妃大行王妃為王大妃茲當嗣服之初宣布寬大之恩云云於戲予以冲眇嫫嫫在疚罔知攸濟惟爾大小臣僚協心同力以補予不逮使無忝我祖宗永保我社稷

中宗大王冊立頌教文 中宗丙寅

王大妃慈旨若曰惟我國家積德百年深仁厚澤洽于民心以基萬世不拔之業不幸今者大失君道民心嗷嗷若墜塗炭大小臣僚皆以宗社為重來稟廢

立以晉城大君諱夙有仁德民心攸屬咸請推戴予
惟廢昏立明古今通義俯循群情乃使迎晉城于私
第命即大位廢前王置于喬桐民命將絕而復續宗
社幾危而復安國家之慶孰大於是

都承旨
姜渾製

中宗大王登極頌教文

中宗丙寅

予以否德居宗室之首惟謙恭飭躬謹守宗邸近來
君失其道政柄煩酷民心窮感罔知攸濟幸賴大臣
以宗社生民為念稟承慈旨固請推戴勸予即位辭
不獲已乃於本年月日即大位于景福宮慶閔宗罔
宣布寬典云云於戲迓無疆之休更念無疆之恤有

非常之慶宜溥非常之恩

仁宗大王登極頌教文

中宗甲辰

皇天降割于我邦曾不少倣小子酷罹于荼毒盡無
所懷惟我大行大王至性稟天大德得位精一傳二
帝之學憂勤體三王之心絕聲色遊政之娛有勤恭
聽納之美視民如赤子飢寒疾痛若在厥躬用人惟
賢材黜陟進退必以其正撫御三十九載一心不渝
妯媪億萬群生咸懷永戴痛違厲之斯亟仰彌蒼而
莫攀方哀毀于棘憂詎安忍於踐阼而大位不可久
曠故遺教茲用勉承於十一月二十日乙卯即位于

昌慶宮明政殿尊大行王妃為王大妃以嬪朴氏為
王妃茲當嗣服之初宣布作解之恩云云於戲惟祖
宗之在天乃付予以家國庶臣隣之夾輔將永躋于
治平

仁宗大王傳位頒教文

仁宗乙巳

教頒議政尹仁鏡左議政柳灌曰予之病勢日益彌
留將不得搃攝機務傳位于慶原大君諱卿等其尚

勵翼以副予懷

承旨崔演製

明宗大王登極頒教文

仁宗乙巳

天之作孽于下國未有甚於此時國之獲戾於上天

又何至於斯極仰踊叫而莫逮奄摧絕而猶蘇惟我
大行大王德惟生知孝乃天篤在東宮二十五載典
學不渝於始終至寢門一日三朝視膳恒在於寒暖
因心即友釋同氣之罹凶以禮下人得多士之歸服
先王之所付托祖宗之所賴依何天命之不延而荼
苦之斯集雖嗣有夫令緒實未堪乎多難人方思見
德化之成天若不欲至治之復曾未悔禍胡寧忍予
乃於篤疾之中念茲眇幼之弟思不忘乎繼序命造
加於承祧悼切乎心言在于耳既失所怙又將誰從
茲迫受遺之臣共贊付畀之重哀其極之忍踐痛末

命之勉承乃於本年月日即位于勤政殿既見遺大
投艱于眇冲宜布浚汗解雨於遐邇云云於戲無疆
惟恤式自今而方新不顯亦臨庶保命於將至

大提學中

光漢製

仁祖大王冊立頒教文

仁祖癸亥

昭聖貞懿王大妃若曰天生蒸民樹之后辟蓋欲使
叙彝倫立經紀上奉宗廟下安黎庶也宣祖大王不
幸無嫡嗣因一時之權越長少之序以光海為儲貳
既在春宮失德彰著宣廟晚節頗有悔恨及至嗣位
之後反道恃理罔有紀極姑舉其大者予雖不德然

受天子之誥命為先王之配體母儀一國積有年載
夫為宣廟子也者不得不以予為母而光海聽信讒
賊自生猜隙刑僂我父母魚肉我宗族懷中孺子奪
而殺之幽廢困辱無復人理是蓋逞憾於先王又何
有於未亡人至若我兄殺弟屠滅諸姪擗殺庶母屢
起大獄毒痛無辜撤民家數千區剏建兩閩土木之
功十年未已先朝耆舊斥遠殆盡惟姻婭婦寺逢惡
德患之廷是崇是信政以賄成昏墨盈朝輦金市官
有同駟儻賦役繁重誅朮無藝民不堪命嗷嗷塗炭
宗社之危若綴旒然不惟是也我國服事皇朝二百

餘載義即君臣恩猶父子壬辰再造之惠萬世不可忘也先王臨御四十年来誠事大平生未嘗背西而坐光海忘恩背德罔畏天命陰懷貳心輸款奴夷已未征虜之役密教帥臣觀變向背卒致全師投虜流醜四海王人之来我國拘囚羈繫不啻牢狴皇勅屢降無意濟師使我三韓禮義之邦不免夷狄禽獸之歸痛心疾首胡可勝言夫滅天理斲人倫上以得罪於皇朝下以結怨於萬姓罪惡至此其何以君國子民居祖宗之天位奉廟社之神靈乎茲以廢之綾陽君諱宣祖大王之孫定遠君諱第一子也聰明仁孝

有非常之表宣廟竒愛之養於宮中命名之義厥有微旨憑几之際握手嘘唏屬意深重異於諸孫今者奮發大義討平昏亂朕予囚辱復予位踰倫紀得正宗社再安功德甚懋神人所歸可即大位以繼宣祖大王之後冊夫人韓氏為王妃大提學張維製仁祖大王登極頒教文仁祖發惟我國家列聖相承家法最正以仁為政以孝為理重熙累洽之化至先昭敬王而極矣昊天不吊遂值否運粵自十數年来賊臣爾瞻熒惑君心圖竊國柄仍構母子之隙竟成彝倫之變幽閉別宮僇辱備至

金墉之禍迫在斯夕况乃倍天朝父母之恩滅我東
禮義之風三綱掃地胡可忍言至如侈慾之無度政
刑之紊亂民怨神怒外潰內訌是以亡國殄祀猶是
薄物細故悉具慈教無煩贅舉予以薄德承先王餘
訓恪守宗邸若將終身幸賴二三忠義之臣閔宗社
之危亡懼藝倫之殄滅奮發大義克定內難既復位
踰於慈殿因願推戴乎寡躬予下迫群情上承慈旨
若隕淵谷其何以堪爰思履端之初必舉更始之化
自戊申以來凡干羅織之獄株累之坐及以言事得
罪者悉皆蕩滌諸營建土木興作之役調度等官培

克聚歛之類一切革除其他侵民病國如威詭權貴
家諸處屯庄減稅復戶等事並令查檢刮去內需司
大君房被奪田民一一還給雜犯死罪以下並皆赦
宥以示維新之意於戲有非常之舉遂推非常之恩

享無疆之休更思無疆之恤

大提學
張維製

顯宗大王登極頌教文

孝宗 己亥

天降茲大喪方罹酷罰予迫乎群情勉承丕基哀痛
深增叩叫何及惟我大行大王以大舜之聖孝續文
王之顯謨精一相傳峻德克配於上帝億兆願戴至
澤普洽於下民敬天而盡修省之方兩暘時若禮賢

而致登庸之美叢冗皆空自臨御十年以來庶挽回
三代之盛皇穹默佑纔喜昔者疾之瘳治具畢張蓋
恢大有為之志何知微恙又劇竟至大漸惟幾小子
不天徒切代某之願群生無祿奄纏喪考之悲皇皇
如有求奉玉几而莫逮曖曖若或見抱遺弓而疇依
茲當枕塊之辰詎安陟阼之禮至痛有難自抑縱孺
慕之愈深大位未可久虛繫臣民之不捨爰遵慈旨
用循舊章乃於本年月日陟位于仁政殿敬瞻綈儀
之陳忍受今朝之賀痛問寢之無日泣血攀踊顧負
宸之何心撫躬怵惕云云於戲恐墜祖宗之業曷極

荒寧肆霈雷雨之恩咸與更始

弘文提學
李一相製

肅宗大王登極頌教文

顯宗甲寅

皇天降割我家奄罹大戕小子新服厥命勉循群情
茲敷腎腸益增摧隕粵若國朝垂統庶幾唐虞比隆
宗德祖功邁賢聖六七之作文謨武烈貽子孫億萬
斯年恭惟大行大王先矣善繼善述孝友因心而風
化旁達清明在躬而睿欲退聽敬天怒一以至誠孚
應如響振民窮殆無虛歲焦枯咸濡將恢寧考未集
之勲丕建吾東可大之業孝思罔極痛繞結於鏡奩
夢齡無徵命忽揚於玉几違疾旬浹而藥罔奏效代

文苑補遺

卷四

頌教文

附

其誠深而神不降監抱巨創於終天叫叩莫逮奉嚴訓之無日眇末何依况茲大位之遽承俾也至情之可抑然宗廟社稷之丕責寔在後人而父兄百官之同辭難遏衆望仰體慈聖之諄諭式遵成周之舊章

大提學金萬基製

景宗大王登極頌教文

肅宗庚子

寧王棄群臣朝奄羅巨創小子承大寶位勉循舊章攀號莫追播告用亶粵若列聖之垂統式多有殷之歷年宗德祖功軼三代之隆洽治成制定啓百世之後昆恭惟大行大王允矣丕承丕顯至行天賦孝悌

通於神明治道日升風教達於封域崇儒重道而文
化大闡正義明倫而人紀克修恤民窮而賑賙惠澤
覃被敬天威而修省多應靡差四紀憂勤積致榮衛
之損十載疾疫終茂藥餌之功啓鑰金滕唯祈卜體
之罔害宣命玉几忍言夢齡之無徵何辜于天降割
於我承顏無日奉虛殿而摧心問寢隔晨尚玉音之
在耳矧當枕塊處苦之日何安負宸受寶之儀念遺
大投艱于躬宗社之責甚重勉繼志述事之義臣僚
之請彌堅仰體慈聖之溫綸適遵成周之故典乃於
本年月日踐位于崇政門主重器而怵惕臨黼座而

文苑叢書 頌教文

十一

呼踊提龍象之加身若無憑托對鷓班之趁陞增我
哀傷傳次在予若何而續承基緒艱虞溢目若何而
輯綏家邦惟思不懈於夙宵庶幾無墮於堂構肆用
一人有誥俾爾萬姓咸聽云云於戲若隕深淵詎忽
圖功惟率今在初服宜思與物并生大提學李
觀命製
英宗大王登極頌教文景宗甲辰
天胡忍於降割荐違大喪國不可以無君勉從群請
至哀難抑寶位何安恭惟大行大王稟質寬仁因心
孝友居儲位卅載國人切願死之誠攝朝政四年聖
考有分勞之喜潛孚實德履至艱而終貞默運神機

回極否而為泰玄穹廣覆罔品物而咸亨白日高懸
廓氛翳而迅掃蓋遊政聲色之一無所好故政令施
為之皆得其宜丕顯丕承庶期復三代之治不興不
寐奄失夢九齡之徵誰知半夜之間遽承憑几之命
不幸五年之內再抱遺弓之哀閔予孤嫗罹此酷罰
膝廬哭泣猶命戒之未遑周作冕裳豈續承之可忍
雖百僚籲踊之益懇只增悲懷願兩殿勸諭之特勤
敢守初志倫兄弟而義父子固至痛之無涯承祖宗
而主臣民奈眇躬之難任秉桓圭而想桐葉之戲臨
法殿而愴萼樓之空慕切羹牆思不忘於繼序憂深

文苑補遺卷五
湖谷樂何有於為君乃於本年月日即位于仁政門
履尊位而怵然驚心瞻綈儀而潛焉出涕先王之盛
德至善詎望追繩列聖之大業洪圖祗憂荒墜哀勛
華之繼陟國將何為若仁明之相承予敢或擬肆揚
中外之敷告嘉與士民而同休雖舊維新政當善始
之會滌瑕蕩垢聿布並生之仁云云於戲惟安危理
亂之機罔不在於初服顧協贊維持之力是所期於
群工趙泰億製
官大提學
當宁登極頌教文 英宗丙申
皇天崇降鞠凶奄罹鉅創小子丕承寶位勉循輿情

祇率彛章詎安黼座粵若列聖之垂統庶幾三代之
此隆宗德祖功膺駿命於上帝文謨武烈貽燕翼於
後昆恭惟大行大王允矣善繼善述舜聰達四裔歟
萬民之時雍文思兼三展也八方之風動念細韞之
履薄每切寅畏之誠軫窮節之解懸益懋子惠之政
勤儉著於宗國實有一德之昭孝悌通於神明是為
百行之本揭麟經尊王之義備享儀於皇壇勉龜疇
會極之功囿品物於化域於休五十載光御爰覩千
一運肇回年則邁唐堯之問治億兆咸戴德既符衛
武之戒抑九五曰康邇來喜懼之心維祈萬壽何知

過密之痛遽纏一朝納冊奎滕未效代躬之祝宣命
玉几永抱攀髯之悲恍然嘗藥之隔晨已矣視膳之
無日榮榮在疚正當枕塊處苦之時皇皇如求何安
陟作受寶之禮至痛自難堪忍繼初意之架堅大位
不宜曠虛奈群心之莫遏仰體慈旨俯循舊儀乃於
本年月日即位於崇政門曉綴衣而怛焉疚懷臨盡
純而法然飲泣曩承代勞之聖命勉攝萬機今遵繼
序之常經莫遂三讓念投大遺艱之業若為承當願
踐位行禮之辰恐孤付托惟戒戒或墜於堂搆曷勝永
慕於牆羹斯宣十行之音庸示肆赦之典云云於戲

在今初服宜思曠蕩之仁圖我新功俾見累熙之美

大提學李
徽之製

領教文二

王妃冊封

貞熹王后冊封領教文

世祖乙亥

王者受命必先立配以資內治建儲以承宗祀予以
寡德叨承丕緒念惟付托之重恐不克負荷夙夜于
懷乃於年月日以尹氏為王妃元子為世子韓氏為
世子嬪以正名分以端國本屬茲盛舉宜布寬條云
云於戲立配建儲既衍慶於國家赦過宥罪用均福

於黎元

直提學姜
孟卿製

文苑補

卷四

領教文

十四

貞顯王后冊封頌教文 成宗庚子

自古帝王之有天下國家也必擇立賢妃以端國本
予以眇末嗣守祖宗丕基庶賴陰教之助中因多故
坤闈久缺今承三宮之命冊游儀尹氏為妃以正位
彌屬茲盛舉盍行寬典於戲御國刑家既舉尊崇之
典赦過宥罪宜推浚汙之仁

廢妃尹氏冊封頌教文

蓋聞易贊家人之正所以為天下之本詩歌后妃之
德於以興二南之化歷觀前代帝王之治率皆內后
陰助之功予承大統首冊韓氏為妃不幸早世何以

為懷念惟主壺非德奚堪故難其人虛位以待久矣
前者仰承大王大妃懿旨后位不可久曠內政不可
無主予惟乾坤交泰萬物化醇君后同德庶績其凝
况予否德其何獨成眷茲游儀尹氏稟性柔嘉宅心
淵懿早膺內選久處宮中孝誠動乎三宮恭儉著于
一身相在左右允宜稱首乃賜玉冊金寶正位中宮
屬講大禮盍霈寬典云云於戲慶衍宮闈既定名於
國本恩頒雷雨宜均福於黎元

光海妃冊封頌教文 光海庚戌

乾坤之位成覆載之功日月並明致照臨之盛故

王化之正始由人道之造端若稽往古之章必嚴
建配之典皆所以謹家邦之御重宗祧之承也茲
當緝儀之備成用播推恩之誕告王妃柳氏柔嘉
淑範忠孝名門整翟禕於東闈芳猷夙著嘗艱險
於西土弘績茂禕德修于身久矣民被其化篤生
元嗣允也天降之祥肆於踐祚之初即昇主壺之
重輝煌命服既膺九天之榮恩誠潔蘋蘩共畫三
年之哀制嘉誥雖頒於浚誦之日成禮有待於升
紉之期爰覃慶於百僚聿申諭於一國云云於戲
以燕翼子丕闡闡睢麟趾之休用敷錫民共享洪

範箕疇之福

大提學李
廷龜製

仁烈王后冊封頌教文

仁祖癸亥

坤承乾以配極君子造端月儼日而為明聖人取則
茲揚浚誦用表同歡念予寡躬叨續丕緒家邦以御
道莫重於彝倫教化攸基功必資於內治方屬秋宮
之建架切故劔之思咨惟王妃韓氏系出禮法之門
光繼艱難之業柔嘉淑德簡自先王善慶休祥篤生
後胤主中饋迨十四歲躬本支將千萬年即受命於
慈闈爰正名於壺掖襲宮中之翟禕象服是宜應天
上之軒龍星文載耀消辰協吉備物如儀乃於本年

月日冊封玉牒流芳璇閣動色滄山盛烈能啓夏家
太妣徽音之興周室訖成大禮誕告多方云云於戲
等賢審官式彰二南之化躋民成俗佇見三代之風

大提學
金鑿製

莊烈王后冊封頌教文

仁祖成寅

壹位之虛既循臣僚之望宮闈嗣慶爰正母儀之尊
載稽舊章誕推新渙惟予寡德之不幸且失小君之
相成入宮而不聞諫言悲自纏於故劍主鬯之尚有
付托光已耀於前星矧今禍亂之餘又值凶荒之慘
念軫宵旰不遑寤寐之求戒切淵冰何心鐘鼓之樂

椒寢一閉槐火四鑽蓋宮室之靡安而嬪御之多闕
大臣陳兩極之義豈敢終違配匹為百福之源誠不
可廢肆詢德闕得遴好逑乃於本年月日冊封珠珥
展衣物有殺於時詘寶冊嘉典禮初成於辰良南國
蘋蘩用相精禋之奉東京繒帛佇見儉德之昭屬茲
長秋之流徽合有陽春之布澤云云於戲惟造端正
始之日乃滌瑕蕩垢之時雖舊維新永圖邦命之鞏
自家而國庶幾風化之行

大提學李
景奭製

仁宣王后冊封頌教文

孝宗己丑

乾元肇始本資順承之功君道履端必賴相成之化

文苑補遺 卷五
故帝王建配之典乃古今治理之源既舉綏盛之儀
仍申浚汗之告眇予寡德叨守丕基念堂構負荷之
難恐墜寧人之洪業為宗廟社稷之主幸有君子之
好速忠孝素著於名門柔和风得於天賦備嘗險艱
於朔域幾殫裨贊之誠逮膺榮貴於東闈益勤儉戒
之志三朝展愛克諧長樂之承顏一索啓祥久協元
良之延頸肆於踐阼之日昇以主壺之治弓劍莫拚
共切終天之哀慕蘋蘩申敬奄經中月之明經爰率
舊章庸加顯冊內外正位三宮仰儼極之尊家國觀
刑兆民欽正始之道茲惟朝野之大慶詎無浚解之

殊恩云云於戲追闡睢麟趾之風曷替儉勤之美錫

洪範龜疇之福庶同亨嘉之休

大提學趙錫胤製

明聖王后冊封頌教文

顯宗辛丑

道始造端方懋御邦之化禮隆蒞壺爰整進冊之儀
載揚播告之辭庸示嘉悅之意惟后令德配我寡躬
靜一端莊六宮服其徽則和愉孝敬二聖愛其純誠
憂懼侍湯於夙宵哀毀盡禮於祥禫左右協贊粵自
三朝之初終始治齊永擬百世之久黃裳元吉丹宸
儼臨閔睢興謠可占觀刑於一國輦翟振彩詎緩同
慶於四方樂奏八音導和氣於天地恩頌三宥用寬

典于臣民云云於戲宜爾室家守艱大之緒業保我
邦域流惠澤於黎黔

仁顯王后冊封頌教文

肅宗辛酉

柔儀久曠深軫兩宮之貽憂綈禮初行嘉與四方而
同慶茲申敷告用彰顯休顧予眇躬叨守丕緒念本
支之靡托蓋嘗凜焉寒心資內外之相成庶幾濟乎
多難屬丁上穹之降割俄值中闈之告災過殿而問
起居誰共承於溫清入宮而絕規諫每永歎於宵旰
非敢自懷居室之安固難獨任宗廟之事國勢之艱
危轉甚時不可淹群情之想望愈勤義無以拒既奉

聖母之隆旨且循先代之彝章幸求窈窕之好逑俾
膺黃中之正位乃於本年月日冊封徽典大備景運
增先生民初而百福原孰云冕迎之已重天命全而
品物遂佇見壺化之維新方當正始而造端詎無滌
垢而布德云云於戲日月並明而光遠雷雨作解而
澤流吉凶轉移之機寧不在我修齊治平之效將復
自今尚成教於家邦冀均歡於遠邇

仁元王后冊封頌教文

肅宗壬午

大提學李
敏叙製

柔儀久曠方深寤寐之求綈典更修庸副臣民之望
茲敷大踰誕告多方願予丕緒之叨承寔多小君之

贊化歌謠南國儉勤之德是資撫愛東宮勞悴之功
可忘纔嗟內治之未率奄見中月之已過規言不聞
樂入宮而興歎良佐爰得幸主壺之有人曾沙之瑞
聿符卜云其吉渭水之梁重造文定厥祥非敢為居
室之安所重者齊家之道差違六禮豈無違于志之
情不待三年蓋出重宗禋之意追昔日稟裁於長樂
鐘鼓匪心矧他時祗謁於闕宮鏡奩增感軫時詘而
費省曆辰良而禮成疏袍練衣謝華靡而昭儉玉冊
金寶遵憲章而備儀乃於本年月日冊封天垂四星
地載萬物大婚斯為民始實閔治亂之機朴素宜自

身先采切戰兢之念顧造端興化之本宜在寡躬而
儼極媿尊之休亦絲今日云云於戲日月臨而容光
必照雷雨解而霈澤苟流嘉與八域而同歡詎無肆

赦之特典

大提學
姜觀製

貞聖王后冊封頌教文

英宗丙午

芳猷哲範久資內治之成玉冊金章載新中壺之禮
仍頒浚踊用彰顯休念惟人倫造端之基寔為王者
致理之本鳴鶴申儆齊妃之賢之微閔雖播謠南國
之化以遠粵子寡昧之質幸得輔佐之良名門淑姿
允符柔嘉之譽寧考妙簡深被眷愛之隆蓋自承藩

而翼儲彌見飭軌而循矩矱麻甫闕既共盡禮於諒
閣黃裳儼臨宜亟陞華於禴翟藝典式舉象服斯煌
乃於本年月日冊封餘哀未忘豈予心之可忍舊章
亦重顧邦禮之罔隳於戲鴻祚益緜既致室家之正
鳳飛元吉永賴裨補之功大提學李宜顯製
王大妃殿冊封頌教文英宗己卯
三紀丕御政篤風教之原六禮載成允協神民之望
用昭邦慶爰播群聽言念帝王致理之要實係后妃
媿美之德虞五教敷治之績亶由媯汭之觀刑周二
南敦俗之休亦資聖妣之贊化願茲寡躬之缺耦竊

歎內輔之無人迄歲憂戚之屢經非懷安於宮室晚
政闕遺之莫補奈闕音於簪珥何幸得慈旨於在筭
之餘乃復念宗禋於薦盍之際天道未能獨運惟博
厚光大之相須壺職難容暫虛故寤寐思服之愈切
援古人取德之喻宜先擇賢勉聖王端本之治蓋欲
求助王后金氏家推喬木慶叶曾沙澍慎柔和之儀
允合良佐幽閒貞靜之性當嗣徽音肆蠲吉辰庸備
嘉典乃於本年月日冊封清渭之舟梁賁飾萬姓莫
不聳欣長秋之門鑰復開九嬪亦皆動色日月垂並
耀之象儼成儷極之尊鐘鼓奏相和之聲可做正家

之則斯非但一人之攸幸抑將與八方面維新道由
造端自今辰而更始政懋布惠罔群品而均霑云云
於戲國欲治則先齊詎少忽威如之訓化自邇而及
遠庶不鮮惕若之心最新護於惇倫冀綿錄於永世

金陽澤製
官大提學

中宮殿冊封頒教文

當于戊戌

予惟禮重儂極道本造端蓋陰陽之分治庶績乃理
譬乾坤之定位品物遂亨肆告多方式昭彝典願茲
中闡之世德早膺先朝之妙掄鏘璫珮於晨昏共事
二聖祈冠被於夙夜與更三年琴瑟孔和恒勉齊家

之懿範日月並耀詎緩配臚之常儀載消吉辰誕宣
徽冊乃於本年月日冊封治內治外之協贊既敷風
化之原資始資生之苟推宜均雨露之澤云云於戲
宜爾家室固知治平之基自今慰彼黔黎寧忽播脩

之典循古

大提學徐
命膺製

文苑補遺卷之四

--	--	--	--	--	--	--	--	--	--	--

文苑補遺卷之四

二二二

